



AKTIVNOSTI

„Merhamet“ u 2024. godini ostvario rekord



**PODIJELJENA POMOĆ
OD 14 MILIONA KM**



Briga o siromašnoj djeci

**„MERHAMET“ U 2024. GODINI
PODIJELIO 523 STIPENDIJE**

Pomoć ugroženim Palestincima
**SVAKODNEVNI OBROCI, IFTARI
I BRAŠNO ZA NAROD GAZE**



„NAŠ MERHAMED“

Bilten MDD „Merhamet“
godišnji bilten 2024.

Izdavač:

HO „Merhamet“ MDD
Sarajevo

Za izdavača:

Kenan Vrbanjac

Urednik:

Ruždija ADŽOVIĆ

Grafički dizajn:

Ismir Letić

Sjedište Društva:

Bistrik 2, Sarajevo

Tel/Fax:

+387 (0) 33 236-527
+387 (0) 33 534-609

Web-portal:

www.merhamet.ba

E-mail:

merhcent@gmail.com

www.merhamet.ba

Briga o siromašnoj djeci

Str. 10-13

**„MERHAMED“ U 2024. GODINI
PODIJELIO 523 STIPENDIJE****Pomoć ugroženim Palestincima**

Str. 18-21

**SVAKODNEVNI OBROCI, IFTARI I
BRAŠNO ZA STANOVNIŠTVO GAZE****Nakon katastrofalnih polava**

Str. 22-25

**4,5 MILIONA KM ZA IZGRADNJU
NOVIH I OBNOVU STRADALIH KUĆA****„Merhamet“ u 2024. godini**

Str. 30-33

**PODIJELJENA POMOĆ
VEĆA OD 14 MILIONA KM**

„Merhamet“ obezbijedio vrijednu donaciju

UDŽBENICI BOSANSKOG JEZIKA ZA BOŠNJAČKU DJECU U ALBANIJI



Sredstva za kupovinu 100 čitanki je obezbijedio „Merhamet“ Švedske. Razgovarali smo i o mogućnosti da se angažuje nastavnik iz Bosne i Hercegovine koji bi radio s bošnjačkom djecom i podučavao ih maternjem jeziku, kazao je Vrbanjac

Muslimansko dobrotvorno društvo „Merhamet“ obezbijedilo je udžbenike bosanskog jezika, odnosno čitanke od prvog do petog razreda osnovne škole, za bošnjačku djecu u opštini Šijak u Albaniji. Predstavniku bošnjačke zajednice u Šijaku Muhamedu Nardiju Mičijeviću udžbenike je uručio predsjednik „Merhameta“ Kenan Vrbanjac.

- Sredstva za kupovinu 100

čitanki je obezbijedio „Merhamet“ Švedske. Željeli smo da na ovaj način pomognemo djeci iz bošnjačkih porodica u Albaniji koje vode porijeklo iz BiH u učenju bosanskog jezika. Razgovarali smo i o mogućnosti da se angažuje nastavnik iz BiH koji bi bošnjačku djecu podučavao ih maternjem jeziku - kazao je Vrbanjac.

Razgovarano je i o razmjeni

učenika iz Albanije i Bosne i Hercegovine.

- Bošnjačka djeca iz Albanije posjetili bi BiH i družili bi se sa vršnjacima. Nakon toga, organizirali bismo uzvratnu posjetu djece iz BiH Albaniji - kazao je Vrbanjac.

Tokom boravka u Albaniji, Vrbanjac je sa svojim saradnicima posjetio selo Borak u kojem živi veliki broj porodica porijeklom iz BiH.

Rođendan jedne od najstarijih organizacija na Balkanu



Nastavit ćemo sa čuvanjem dostojanstva ljudi koji su na margini društva. I dalje ćemo, ne samo u Bosni i Hercegovini nego i širom svijeta, pružati pomoć onima kojima je pomoć potrebna, poručio je Vrbanjac

Muslimansko dobrotvorno društvo "Merhamet", manifestacijom organizirano u Kulturnom centru u Bihaću, obilježilo je 111-tu godišnjicu postojanja i rada. Istorijat jedne od najstarijih organizacija na Balkanu predstavljen je brojnim gostima, predstavnicima vlasti Unsko-sanskog kantona, Grada

Bihaća i Muftijstva bihačkog. Predsjednik HO "Merhamet" MDD Kenan Vrbanjac kazao je na svečanosti da je "Merhamet" nastao iz duše naroda, davne 1913. godine. - "Merhametova" misija začeta na Bašćaršiji, u Sarajevu, a tokom 111 godina postojanja ove organizacije proširila se na

čitav svijet. Tokom cijele svoje istorije, „Merhamet“ je dijelio sudbinu svog naroda i u najtežim trenucima i periodima imao nezamjenjivu ulogu te je dao doprinos opstanku Bošnjaka i države Bosne i Hercegovine. Ponosan sam na činjenicu da „Merhamet“ pomaže svima kojima je pomoć

potrebna bez obzira na vjersku ili nacionalnu pripadnost. I to je ono što dodatno krasi „Merhamet“ i njegovu ulogu – naglasio je, između ostalog, Vrbanjac. Dodao je da djelovanje u Bosni i Hercegovini, ali i širom svijeta, potvrđuje snagu i vitalnost „Merhameta“. Kazao je da je





“Merhamet” u prošloj, jubilarnoj godini, “Merhamet” podijelio pomoć veću od 12,5 miliona KM u BiH i na područjima u svijetu ugroženim elementarnim nepogodama i ratnim dejstvima.

- Misija dobročinstva “Merhameta” ostvaruje se putem naših 46 javnih kuhinja i njihovih punktova širom Bosne i Hercegovine, u kojima se svakodnevno hrani više od 8.000 osoba, zatim putem ostalih projekata, među kojima su: briga o starim, iznemoglim i bolesnim osobama, projekat kućna njega, briga o povratnicima u manji bh. entitet, migrantima, zatim stipendiranje učenika iz povratničkih porodica, podrška centrima za odvikavanje od droge i alkohola, kao i putem mnogih drugih projekata – kazao je Vrbanjac i dodao:

- Ponosni smo na sve ono što smo uradili, ne samo u BiH, nego i širom svijeta: u Palestini, odnosno Gazi, Somaliji, Pakistanu, Indoneziji, Iranu, Japanu, Turskoj, Sjedinjenim Američki Državama, Nepalu i drugim zemljama koje su se našle u kriznim situacijama. Nastavit ćemo sa čuvanjem dostojanstva ljudi koji su na margini društva.

I dalje ćemo, ne samo u Bosni i Hercegovini nego i širom svijeta, pružati pomoć onima kojima je pomoć potrebna – poručio je Vrbanjac. “Merhametovu” 111-tu godišnjicu čestitali su muftija bihački Mehmed ef. Kudić i gradonačelnik Bihaća Elvedin Sedić.

“Merhamet” je za svoj rad dobio brojna domaća i međunarodna priznanja, među kojim a su „Zlatni vijenac sa zlatnim ljiljanima“, Internacionalna nagrada pape Ivana Pavla II, zahvalnicu od Vlade Sjedinjenih Američkih Država te “Šestoaprilsku nagradu Grada Sarajeva”.



Održana redovna Izvještajna skupština Društva



„MERHAMET“ RADI I POSUJE DOMAĆINSKI

Zadovoljan sam i ponosan na onome što činimo i što smo u proteklom paeriodu radili svi zajedno, na dobrobit najugroženijih kategorija stanovništva u našoj zemlji. „Merhamet“ radi i posluje domaćinski, cilj nam je da jačamo našu organizaciju, na osnovne i regionalne odbore, kazao je Vrbanjac

U Travniku je održana redovna Izvještajna skupština Muslimanskog dobrotvornog društva „Merhamet“. Delegati su, između ostalog, usvojili Izvještaj o radu i poslovanju HO „Merhamet“ MDD za prethodnu godinu, novi Plana rada i poslovanja, Izvještaj o reviziji finansi-

jskih izvještaja HO „Merhamet“ MDD, potom izvještaj o radu Nadzornog odbora i Suda časti HO „Merhamet“ MDD. Predsjednik HO „Merhamet“ MDD Kenan Vrbanjac zahvalio se svojim saradnicima i svim uposlenicima „Merhamet“ na uspješnom radu u 2024. godini.

- Zadovoljan sam i ponosan na onome što činimo i što smo u proteklom paeriodu radili svi zajedno, na dobrobit najugroženijih kategorija stanovništva u našoj zemlji. „Merhamet“ radi i posluje domaćinski, cilj nam je da jačamo našu organizaciju, na osnovne i regionalne odbore –

kazao je Vrbanjac. Na skupštini „Merhameta“ ukazana je čast dugogodišnjem humanitarnom radniku i sekretaru Osnovnog odbora „Merhameta“ Ključ Teufiku Bajriću kome je uručena Plaketa „Merhameta“ za sve ono što je učinio u protekle tri decenije.



Pomoć učenicima i studentkinjama iz socijalno ugroženih porodica

„MERHAMET“ U 2024. GODINI PODIJELIO 523 STIPENDIJE



Učenici osnovnih škola dobili godišnje stipendije u iznosu od po 700 KM, srednjoškolci po 850, dok su godišnje stipendije za studentice iznosila 1.000 KM. Stipendije smo obezbijedili iz „Merhametove“ Fondacije za stipendiranje „Edah Bećirbegović“, a dio stipendija obezbijedila organizacija „Helping hand“ iz Sjedinjenih Američkih Država, kazao je Vrbanjac

Muslimansko dobrotvorno društvo „Merhamet“ je u 2024. godini podijelilo 523 stipendije učenicima iz socijalno ugroženih porodica, većinom iz

manjeg bh. entiteta. Od ukupnog broja stupendija, njih oko 300 osigurao je „Merhamet“ Švedske, a 80 „Merhamet“ Njemačke.

U saradnji sa partnerskom organizacijom „Helping hand“, „Merhamet“ je podijelilo još 143 stipendije za školsku 2024./2025. godinu. Stipendije

su podijeljene učenicima osnovnih i srednjih škola iz socijalno ugroženih porodica sa područja cijele naše zemlje, kao i studenticama iz Bosne i Herce-





govine i Sandažaka. Predsjednik „Merhameta“ Kenan Vrbanjac kazao je da su učenici osnovnih škola dobili godišnje stipendije „Merhameta“ u iznosu od po 700 konvertibilnih maraka, srednjoškolci po 850, dok godišnje stipendije za studentice iznose 1.000 maraka.

- Stipendije smo obezbijedili iz „Merhametove“ Fondacije za stipendiranje „Edah Bećirbegović“, a dio stipendija obezbijedio je i naš dugogodišnji partner, Humanitarna organizacija „Helping hand“ iz Sjedinjenih Američkih Država. Zahvaljujem se organizaciji „Helping hand“ što je i ove godine podržala ovaj „Merhametov“ humani projekat kojim ćemo pomoći školovanje djece iz siromašnih porodica u Bosni i Hercegovini, a time umnogome olakšati i njihovim porodicama - kazao je Kenan Vrbanjac.

Kako bi se izbjegli troškovi putovanja učenika i njihovih roditelja, jedan dio stipendija je podijeljen u sjedištu HO „Merhamet“ MDD u Sarajevu, a drugi dio u prostorijama Regionalnog odbora „Merhameta“ Tuzla i Regionalnog odbora „Merhameta“ Banja Luka..

- Za „Merhamet“ je veoma važan ovaj projekat obrazovanja i stipendiranja mladih ljudi čiji roditelji nemaju dovoljno finansijskih mogućnosti za njihovo školovanje. Ovo se posebno odnosi na manji bh. entitet, na djecu bošnjačkih povratnika - naglasio je Vrbanjac.

S tim ciljem, dodaje Vrbanjac, „Merhamet“ je 2012. godine osnovao Fondaciju „Edah Bećirbegović“.

- Zadovoljni smo što smo i ove godine obezbijedili stipendije i za studentice koje borave u „Merhametovoj“ Studentskoj kući u Sarajevu. „Merhamet“ je ovim studenticama iz Bosne i Hercegovine i sa područja Sandžaka obezbijedio besplatan smještaj, hranu, a evo sada i stipendije - kazao je Vrbanjac.



Zajednička akcija "Merhameta" i IZBiH, vrijedna tri miliona KM

U SIRIJI IZGRAĐENE 42 KUĆE, DVIJE ŠKOLE I DŽAMIJA



U Soranu su "Merhamet" i Islamska zajednica u BiH napravili džamiju koja je nazvana "Džamija bosanskih šehida". U gradu gdje su mnoge džamije porušene tokom razornih zemljotresa, nova džamija ne samo da je duhovno središte, već i arhitektonsko remek-djelo

U zajedničkoj akciji Rijasetu IZBiH i "Merhameta", u saradnji sa turskom organizacijom IHH, u Siriji su, nakon katastrofalnog zemljotresa, izgrađene 42 kuće, dvije škole i džamija.

Tako su u naselju simboličnog naziva "Bosanska mahala" izgrađena 42 stambena objekta, u kojima su svoj dom našle porodice jetima, ukupno 212

ljudi. Ulice ove male zajednice nose imena poput Bosanske, Rijasetu Islamske zajednice, "Merhameta", dok je trg nazvan po rahmetli predsjedniku Aliji Izetbegoviću.

Osim kuća, izgrađene su i dvije škole - jedna u gradu Soranu, druga u Čoban Beyu. Obje nose ime "Bosna i Hercegovina" i mogu primiti do 1.500 učenika. Tako će sirijska djeca moći nas-

taviti školovanje u potpuno novima objektima.

U Soranu su "Merhamet" i Islamska zajednica u BiH napravili džamiju koja je nazvana "Džamija bosanskih šehida". U gradu gdje su mnoge džamije porušene tokom razornih zemljotresa, nova džamija ne samo da je duhovno središte, već i arhitektonsko remek-djelo. Kenan Vrbanjac, predsjednik

Muslimanskog dobrotvornog društva "Merhamet" obratio se na svečanosti otvorenja džamije koja je održana 22. novembra 2024. godine. Vrbanjac je istakao važnost zajedničkog djelovanja i humanosti, naglašavajući važnu ulogu Islamske zajednice u realizaciji ovog projekta.

- Brinemo o tome da opstane sjećanje na naše šehide, ali i na



šehide koje ste vi dali. Nadamo se da ćemo biti u vašim dovama kada budete obavljali namaz u ovoj džamiji. Hvala svima, hvala Islamskoj zajednici, IHH, kao i vama. Ovo je urađeno samo zbog vas - poručio je Vrbanjac žiteljima grada Soran.

Vrbanjac je podsjetio da je "Merhamet" opremio novoizgrađene kuće za porodice koje su preživjele katastrofalni zemljotres, kao i dvije škole, u Soranu i

Čoban Beyu.

Rukovodilac Ureda za društvenu brigu Rijasetu IZ BiH i izaslanik reisu-l-uleme Ibrahim Malanović predvodio je džuma-namaz, na insistiranje soranskog muftije.

- Zahvaljujem se prisutnim - muftiji, gradskim zvaničnicima, a posebno "Merhametu" i predsjedniku Kenanu Vrbanjcu, koji je koordinirao rad i realizaciju sa dugogodišnjom partnerskom organizacijom IHH.

- Kada se desio zemljotres



prošle godine, odlučili smo da pomognemo narodu Turske i Sirije, skupili smo novac. Odlučili smo da sagradimo 42 kuće, dvije škole i ovu prelijepu džamiju. Danas je poklanjamo narodu Sirije, a za one koji su dali svoj prilog, draga srca, molimo Allaha da im ukabuli i u sevap upiše - kazao je Malanović povodom svečanog otvorenja džamije.

Majke jetima, školska djeca i zvaničnici iz Sirije nisu krili zahvalnost.

Ovaj projekat nije samo simbol humanitarne pomoći, već most koji povezuje dva naroda, udaljena hiljadama kilometara, ali spojena zajedničkom vjerom, solidarnošću i ljubavlju. Bosanska mahala, škole i džamija svjedoče o snazi dobrote i vjeri u bolje sutra, opcijenjeno je na svečanosti u Soranu.

Sirijski narod, zahvalan na darovima, poručio je: "U srcima čuvamo prijateljstvo koje ste nam donijeli".

Akcija nazvana "Od Bošnjaka s ljubavlju" pokrenuta je nakon razornih zemljotresa u februaru 2023. godine. Islamska zajednica i "Merhamet" su djelovali i uključili se u prikupljanje pomoći za Tursku i Siriju.

U sklopu pomoći prikupljeno je više od tri miliona KM, od čega je Islamska zajednica osigurala 2,1 milion. Osim infrastrukturnih radova, organizovana je i sergija širom domovine i dijaspore, kojom su prikupljena sredstva za osnovne potrepštine i 300 tona materijalne pomoći.

Tako je u srcu ratom razrušene Sirije, na sjeverozapadu zemlje, osvanuo novi početak za mnoge porodice. Projekti koje je finansirao Rijaset Islamske zajednice u Bosni i Hercegovini, u saradnji s "Merhametom" i turskom Humanitarnom organizacijom IHH donijeli su utočište i nadu narodu koji prolazi kroz teška iskušenja.



“Merhamet” od prvog dana izraelske agresije pomaže ugrožene Palestince



SVAKODNEVNI OBROCI, IFTARI I BRAŠNO ZA STANOVNIŠTVO GAZE

Ove aktivnosti u Gazi pomogao je i “Merhamet” Švedske, kao dio velike porodice Muslimanskog dobrotvornog društva “Merhamet”, kazao je predsjednik HO “Merhamet” MDD Kenan Vrbanjac

Muslimansko dobrotvorno društvo “Merhamet” se od samog očetka agresije Izraela na Palestinu uključio u prikupljanje pomoći za ugroženo stanovništvo Gaze. Između ostalog, “Merhamet” je, u saradnji sa Rijasetom Islamske zajednice u Bosni i Hercegovini, svakodnevno pripremao obroke za ugroženo stanovništvo u Gazi. Osim toga, “Merhamet” je tokom cijelog

mjeseca ramazana pripremao i iftare za unesrećene Palestince u Gazi.

Obroci i iftari su pripremani u improviziranim kuhinjama “Merhametove” partnerske organizacije IHH iz Turske.

- Ove aktivnosti u Gazi pomogao je i “Merhamet” Švedske, kao dio velike porodice Muslimanskog dobrotvornog društva “Merhamet” - kazao je predsjednik HO “Merhamet” MDD

Kenan Vrbanjac.

Prema njegovim riječima, “Merhamet”, u saradnji sa turskom partnerskom organizacijom IHH, od samog početka agresije Izraela pomaže ugroženo stanovništvo Gaze na tazne načine.

- Počeli smo sa interventnim paketima, a potom sa svakodnevnom pripremom obroka za stanovništvo na tom području, ali i za bolesne i ranjene u ta-

mošnim bolnicama. Inače, “Merhamet” i IHH su u protekle dvije godine takođe organizirali pripremu obroka za stanovništvo Gaze, tako da imamo iskustva u tome - kazao je Vrbanjac.

Između ostalog, “Merhamet” je krajem februara stanovništvu Gaze dopremio i podijelio 100 tona brašna, ukupne vrijednosti od 209.000 konvertibilnih maraka, koje je u Gazu dopremljeno u pet šlepera. U martu su “Merhamet”, Rijaset Islamske zajednice u Bosni i Hercegovini i Mešihat Islamske

zajednice u Srbiji obezbijedili su još 360 tona brašna za ugroženo stanovništvo Gaze, koje je na to područje transportovano u 14 šlepera.

Vrbanjac naglašava da je sredstva za kupovinu ovog kontingenta brašna “Merhamet” obezbijedio u saradnji sa Rijasetom Islamske zajednice u Bosni i Hercegovini, dok su jedan šleper, odnosno 20 tona brašna, finansirali tri bh. privrednika iz Tešnja, Travnika i Mostara, koji

su željeli ostati anonimni.

Do sada je “Merhamet” obezbijedio pomoć za stanovništvo Gaze u vrijednosti većoj od milion KM.

Predsjednik “Merhameta” Kenan Vrbanjac se zahvalio građanima Bosne i Hercegovine, Rijasetu Islamske zajednice u BiH, kompanijama, obrazovnim i drugim institucijama koji su i ovog puta pokazali solidarnost i empatiju prema ljudima u nevolji.



Nakon katastrofalnih poplava i klizišta u BiH

4,5 MILIONA KM ZA IZGRADNJU NOVIH KUĆA I OBNOVU ONIH KOJE SU OŠTEĆENE U POPLAVAMA



Sa Islamskom zajednicom u BiH dogovorena je izgradnja novih kuća na području općina Jablanica i Konjic, a u Kiseljaku, Fojnici i Kreševu sanirali smo zajedno određeni broj oštećenih stambenih objekata. Ugroženim građanima dostavljena interventna pomoć koja je pristigla od "Merhametovih" organizacionih jedinica širom Bosne i Hercegovine

Islamska zajednica u Bosni i Hercegovini i Musliamansko dobrotvorno društvo "Merhamet" uložiti će oko 4,5 miliona

KM za izgradnju novih kuća i njihovo opremanje te obnovu oštećenih domova preživjelih žrtava katastrofalnih poplava koje

su početkom oktobra 2024. pogodile pojedine dijelove Bosne i Hercegovine. To je utvrđeno nakon sastanka

delegacije Islamske zajednice u BiH i "Merhameta" sa čelnicima općina Jablanica i Konjic. Zbog administrativnih proce-



REIS HUSEIN EF. KAVAZOVIĆ POSJETIO "MERHAMETOVU" KUHINJU U JABLANICI

Prestavnici Regionalnog odbora "Merhameta" Bihać posjetili su porodicu Nuhanović u Velikoj Kladaši i uručili im donaciju od 300 KM, kao i prehrambeni paket. Novčana sredstva su obezbijedena zahvaljujući Ramizu Handanoviću i jednom donatoru koji jer želio ostati anonimn.

Rešid i Safet Nuhanović, otac i sin iz naselja Poljana kod Velike Kladaše, žive u lošim uvjetima i bore se za komad kruha sakupljanjem i prodajom limenki te ostalog otpada. Porodica Nuhanović se zahvalila na pomoći i izrazila nadu da će se njihova životna situacija u budućnosti poboljšati.





dura, početak realizacije ovog projekta odgođen je za početak februara 2025. godine.

- Sa Islamskom zajednicom u BiH dogovorena je izgradnja novih kuća na području općina Jablanica i Konjic, a u Kiseljaku, Fojnici i Kreševu sanirali smo zajedno određeni broj oštećenih stambenih objekata. Ugroženim građanima na tom području dostavljena je, takođe, i interventna pomoć koja je pristigla od "Merhametovih" organizacionih jedinica širom Bosne i Hercegovine – kaže predsjednik HO "Merhamet" MDD Kenan Vrbanjac.

Inače, istoga dana kada su područja općina Jablanica, Konjic, Fojnica, Kiseljek i Kreševo doživjela katastrofalne poplave i klizišta, "Merhamet" je pokrenuo akciju prikupljanja pomoći ugroženom stanovništvu.

Svi resursi Regionalnog odbora "Merhameta" Mostar stavljeni su u funkciju podrške ugroženom stanovništvu u Konjici i Jablanice, te su sve vrijeme bili na raspolaganju štabovima civilne zaštite na ovom području.

Uposlenici i volonteri "Merhameta" konstantno su bili na terenu gdje su nesebično pružali pomoć i podršku ugroženom stanovništvu. U "Merhametovoj" Narodnoj kuhinji u Jablanici pripremi su obroci i lanč-paketi za ugroženo stanovništvo, pripadnike Oružanih snaga BiH, spasilačke službe i sve timove koji su radili na traženju nestalih i na raščišćavanju terena i sanaciji infrastrukture u pogođenim gradovima. Obroke i lanč-pakete su "Merhametovi" uposlenici i volonteri dostavljali na teren.

Uz podršku donatora, na ugrožena područja dostavljeni su sgregati, isušivači vlage, sredstva za čišćenje, lopate, ručna kolica te prehrambeno-higijenski paketi.



Zahvalnost za podršku nakon poplava i klizišta

DRAGOCJENA POMOĆ VOLONTERA



Više od 80 volontera bilo je angažovano u “Merhametu”, gdje su vršili pripremu i dostavu obroka ugroženom stanovništvu i timovima koji su radili na pronalasku nestalih u Donjoj Jablanici, te timovima koji rade na raščišćavanju terena i sanaciji infrastrukture

Nakon katarstrofalnih poplava i klizišta na području Općina Jablanica i Konjic, Regionalni odbor “Merhameta” Mostar, u saradnji sa osnovnim odborima u Jablanici i Konjicu, sve resurse je stavio na raspolaganje nadležnim instituci-

jama s ciljem ublažavanje posljedica elementarnih nepogoda. U tom period, dragocjena je bila pomoć volontera, koji su nesebično pomagali “Merhametu” u tim vanrednim okolnostima. Više od 80 volontera bilo je angažovano

u “Merhametu”, gdje su vršili pripremu i dostavu obroka ugroženom stanovništvu i timovima koji su radili na pronalasku nestalih u Donjoj Jablanici, te timovima koji rade na raščišćavanju terena i sanaciji infrastrukture.

Regionalni odbor “Merhameta” Mostar, želeći da se na neki način zahvali vrijednim volonterima, upriličio je u Kulturnom centru “Firdevs” u Jablanici “Večer volontera”. - U vanrednoj situaciji, bez podrške volontera skoro je nemoguće odgovoriti zadatku,



međutim “Merhamet” je uz vašu podršku uspio da ispuni svoj zadatak. Zato smo se okupili kako bi vam iskazali zahvalnost za vašu nesebičnu podršku koju ste pružili svojim angažmanom, te na taj način pomogli ugroženom stanovništvu i pripadnicima oružanih snaga, civilne zaštite, GSS-a, policiji, volonterima i ostalima koji su bili angažovani -

kazao je tokom svog obraćanja Adnin Hasić, direktor Regionalnog odbora “Merhameta” Mostar. Svim prisutnim volonterima direktor Hasić uručio je zahvalnice. Tokom večeri prikazan je i dokumentarni film o “Merhametu”, te je nakon programa upriličeno druženje sa volonterima.



„Merhamet“ ostvario rekord u 2024. godini

PODIJELJENA POMOĆ VEĆA OD 14 MILIONA KM



Od tog iznosa, pomoć koju je „Merhamet“ podijelio socijalno ugroženim porodicama u Bosni i Hercegovini iznosila je blizu 10 miliona KM. Ostatak je podijeljen stanovništvu Gaze naakon agresije koju je izvršio Izrael, a za izgradnju kuća za preživjele žrtve zemljotresa u Siriji uloženo je više od tri miliona KM

Muslimansko dobrotvorno društvo „Merhamet“ je u 2024. godini ostvario rekord u podjeli pomoći ugroženom stanovništvu u Bosni i Hercegovini i na kriznim područjima u svijetu. Lani je „Merhamet“ podijelio pomoć čiji iznos prelazi 14 miliona konvertibilnih maraka. Od tog iznosa, pomoć koju je „Merhamet“ podijelio soci-

jalno ugroženim porodicama u Bosni i Hercegovini iznosila je blizu 10 miliona KM.

RO TUZLA

Ako pogledamo realizaciju po „Merhametovim“ regionalnim i osnovnim odborima, najveću pomoć osigurao je Regionalni odbor „Merhameta“ Tuzla, čak

2.870.500 KM. Samo na pripremu obroka u svojoj Narodnoj kuhinji „Imaret“, za svojih oko 2.800 korisnika na području Tuzlanskog kantona, „Merhameta“ Tuzla utrošio je 2.187.105 KM. Ukupno je pripremljeno i podijeljeno 754.200 obroka. Regionalni odbor „Merhameta“ Tuzla posjeduje i svoju pekaru u kojoj

proizvodi hljeb za svoje korisnike. Tako je u 2024. godini u „Merhametovoj“ pekari proizvedeno 189.388 hljebova, čija je ukupna vrijednost iznosila 378.790 KM. Lani je tuzlanski „Merhamet“ socijalno ugroženim porodicama obezbijedio i podijelio 2.820 humanitarnih paketa, vrijednih 155.100 KM.

RO BANJA LUKA

Regionalni odbor „Merhameta“ Banja Luka lani je povratničkim porodicama u RS, koje su u stanju socijalne pomoći, podijelio pomoć vrijednu oko 760.000 KM. U svoje tri narodne kuhinje, Regionalni odbor „Merhameta“ Banja Luka lani je pripremio i podijelio 105.600 obroka, čija je ukupna vrijednost iznosila 400.000 KM, te je obezbijedio 1.000 prehrambenih paketa, vrijednih 50.000 KM.

RO BIHAĆ

Regionalni odbor „Merhameta“ Bihać je u 2024. godini obezbijedio i podijelio pomoć socijalno ugroženim

porodicama u Unsko-sanskom kantonu, čija je ukupna vrijednost iznosila 750.000 konvertibilnih maraka.

U tom periodu, Regionalni odbor „Merhameta“ Bihać pripremio je i svojim korisnicima podijelio 48.110 obroka, u vrijednosti od 240.550 KM, kao i 700 prehrambenih paketa i dječijih paketića, vrijednih 490.000 KM.

RO GORAŽDE

Regionalni odbor „Merhameta“ Goražde je obezbijedio je pomoć socijalno ugroženim porodicama u ukupnoj vrijednosti od 256.000 KM. Riječ je o raznim vrstama pomoći, od obroka, hljebova, prehrambenih





paketa, drva za ogrijev i druge pomoći. Lani je goraždanski "Merhamet" podijelio i 910 prehrambenih paketa, vrijednih 43.100 KM.

RO MAGLAJ

Pomoć Regionalnog odbora "Merhameta" Maglaj u 2024. godini iznosila je 542.000 KM. U svojim narodnim kuhinjama u Maglaju i Zavidovićima, u 2024. godini, pripremljeno je 72.220 obroka, čija je vrijednost iznosila 267.000 KM. Maglajski "Merhamet" je lani podijelio i 2.550 prehrambenohigijenskih paketa, vrijednih oko 140.000 KM.

RO MOSTAR

Pomoć Regionalnog odbora "Merhameta" Mostar u 2024.

godini prelazi iznos od 400.000 KM. „Merhametova“ Narodna kuhinja u Jablanici je u tom periodu pripremila i podijelila 25.000 obroka, čija je ukupna vrijednost iznosila 95.000 KM. U sklopu projekta „Misli i čini dobro“, socijalno ugroženim porodicama podijeljeno je i 2.000 paketa, vrijednih 100.000 KM.

RO SARAJEVO

Regionalni odbor "Merhameta" Sarajevo je i u 2024. godini ostvario respektabilne rezultate, podijelivši u tom periodu pomoć vrijednu oko 1.510.000 KM.

U svojoj Narodnoj kući "Imaret", "Merhamet" Sarajevo je za 700 korisnika pripremio i podijelio 257.733 obroka, ukupne vrijednosti

902.065 KM. Između ostalog, Regionalni odbor "Merhameta" Sarajevo lani je podijelio i 2.106 prehrambenih paketa, u vrijednosti 107.400 KM.

RO TRAVNIK

Regionalni odbor "Merhameta" Travnik je u 2024. godini socijalno ugroženim porodicama podijelio ukupnu pomoć koja prelazi iznos od 720.000 KM. U Narodnim kuhinjama "Merhameta" Travnik pripremljeno je podijeljeno 213.500 obroka, čija je ukupna vrijednost iznosila 576.500 KM. Socijalno ugroženim porodicama podijeljeno su i brojne druge vrste pomoći, u vrijednosti 144.000 KM, među kojima je



1.385 prehrambenih paketa, vrijednih 72.000 KM, kao i dječiji paketići, sendviči, školski pribor, čija je vrijednost iznosila 19.580 KM.

RO ZENICA

Regionalni odbor "Merhameta" Zenica lani je podijelio raznovrsnu pomoć socijalno ugroženim građanima na tom području, čija je ukupna vrijednost iznosila više od 665.000 KM. U tri narodne kuhinje (Breza, Kakanj i Zenica), pripremljeno je 186.753 obroka za 730 korisnika, u vrijednosti od 512.000 KM. U 2024. godini, "Merhameta" Zenica je podijelio i 987 paketa, u vrijednosti od 23.000 KM te još 289 paketa

korisnicima „Kućne njege“, vrijednih 15.200 KM.

GAZA

Muslimansko dobrotvorno društvo "Merhamet" se od samog očetka agresije Izraela na Palestinu uključio u prikupljanje pomoći za ugroženo stanovništvo Gaze. Za te namjene "Merhamet" je obezbijedio i podijelio pomoć vrijednu više od miliona KM. Između ostalog, "Merhamet" je obezbijedio interventne pakete, potom 460 tona brašna, a u saradnji sa Rijasetom Islamske zajednice u Bosni i Hercegovini, svakodnevno je pripremao obroke za ugroženo stanovništvo u Gazi. Osim toga, "Merhamet" je tokom cijelog mjeseca ramazana pripremao i iftare za

unesrećene Palestince u Gazi. Obroci i iftari su pripremani u improviziranim kuhinjama "Merhametove" partnerske organizacije IHH iz Turske. Ove aktivnosti u Gazi pomogao je i "Merhamet" Švedske.

SIRIJA KUĆE

U zajedničkoj akciji Rijaset IZBiH i "Merhameta", u saradnji sa turskom organizacijom IHH, u Siriji su, nakon katastrofalnog zemljotresa, izgrađene 42 kuće, dvije škole i džamija. U taj veliki projekt uloženo je više od tri miliona KM. "Merhamet" je opremio novoizgrađene kuće za porodice koje su preživjele katastrofalni zemljotres, kao i dvije škole, u Soranu i Čoban Beyu.

Regionalni odbor „Merhameta“ Tuzla

U 2024. GODINI PODIJELJENA POMOĆ VRIJEDNA 2.870.500 KM



Samo na pripremu obroka u svojoj Narodnoj kuhinji „Imaret“, za oko 2.800 korisnika na području Tuzlanskog kantona, Regionalni odbor „Merhameta“ Tuzla utrošio je 2.187.105 KM. Ukupno je pripremljeno i podijeljeno 754.200 obroka. Osim redovnih obroka, tokom ramazana je pripremljeno 7.550 iftara, u vrijednosti od 113.250 KM

Regionalni odbor „Merhameta“ Tuzla je i u 2024. godini prednjačio u pomoći koju je podijelio socijalno ugroženim kategorijama. Naime, tuzlanski „Merhamet“ je lani uspio podijeliti raznovrsnu pomoć, čija je ukupna vrijednost iznosila čak 2.870.500 KM.

Samo na pripremu obroka u

svojoj Narodnoj kuhinji „Imaret“, za svojih oko 2.800 korisnika na području Tuzlanskog kantona, Regionalni odbor „Merhameta“ Tuzla utrošio je 2.187.105 KM. Ukupno je pripremljeno i podijeljeno 754.200 obroka. Osim redovnih obroka, tokom ramazana je pripremljeno 7.550

iftara, u vrijednosti od 113.250 KM. Brojni iftari dostavljani su na kućni prag starim, bolesnim i iznemoglim osobama, što Regionalni odbor „Merhameta“ Tuzla praktikuje već godinama. Regionalni odbor „Merhameta“ Tuzla posjeduje i svoju pekaru u kojoj proizvodi hljeb za svoje korisnike. Tako je u 2024. godini

u „Merhametovoj“ pekari proizvedeno 189.388 hljebova, čija je ukupna vrijednost iznosila 378.790 KM. Lani je tuzlanski „Merhamet“ socijalno ugroženim porodicama obezbijedio i podijelio 2.820 humanitarnih paketa, vrijednih 155.100 KM. Zahvaljujući donacijama Grada



SARADNJA SA ORGANIZACIJOM „JOHANNITER-UNFALL-HILFE“

Regionalni odbor „Merhameta“ Tuzla od prošle godine je uspostavio saradnju sa Humanitarnom organizacijom „Johanniter-Unfall-Hilfe“, čije je sjedište u Njemačkoj. Predstavnici ove organizacije posjetili su „Merhamet“ u Tuzli s ciljem planiranja i realizacije zajedničkih aktivnosti pružanja pomoći stanovništvu u stanju potrebe na području Bosne i Hercegovine.

Direktorica RO „Merhameta“ Tuzla Mensura Husanović upoznala je goste s radom Narodne kuhinje „Imaret“, te je razgovarano i o drugim mogućnostima pružanja pomoći najugroženijim kategorijama stanovništva, koristeći iskustva iz Njemačke.

Ova saradnja će se nastaviti i vjerovatno rezultirati konkretnim zajedničkim projektima.

Tuzla, društveno odgovornih firmi, humanih pojedinaca i partnerskih organizacija, u okviru tradicionalne akcije Regionalnog odbora „Merhameta“ Tuzla pod nazivom „Pružimo osmijeh malšana“, osigurano jer i podijeljeno 650 paketića, vrijednih 7.200 KM. Paketići su podijeljeni djeci iz socijalno ugroženih porodica koje su korisnici Narodne kuhinje „Imaret“ u Tuzli, a čiji su članovi obuhvaćenih drugim „Merhametovim“ programima pomoći, među kojima je i pomoć mališanima s poteškoćama u razvoju.

Najveći donator, kao i svake godine, je Grad Tuzla koji namjenski daruje paketiće za djecu korisnike Narodne kuhinje „Imaret“ Tuzla na gradskom području.

Paketići su uručeni na punktovima za podjelu hrane „Merhametovim“ korisnicima u gradovima i općinama Tuzlanskog kantona.

- U ime naših najmlađih korisnika, zahvaljujemo se svima koji su podržali ovu akciju i izazvali osmijehe na licima mnogih malšana. Posebna zahvalnost administraciji Grada Tuzla, na čelu s gradonačelnikom Zijadom Lugavićem, od kojih smo dobili i najveću podršku – kazala je Mensura Husanović, direktorica RO „Merhameta“ Tuzla i podjsetila da Regionalni odbor „Merhameta“ Tuzla upravlja najvećom javnom kuhinjom u BiH, a među korisnicima je veliki broj porodica s djecom.

Regionalni odbor „Merhameta“



Tuzla je u 2024. godini realizirao i brojne druge aktivnosti, a posebna je podrška učesnicima "Marša Mira 24." kojima su, kao i svake godine, podijeljeni obroci, osvježenje, slatkiši i voće, u ukupnoj vrijednosti od 29.200 KM. Akcija je realizirana uz podršku "Merhameta" Njemačke i Švedske, potom Sjedišta te regionalnih odbora Mostar i Bihać. U okviru svoje humanitarne akcije pod nazivom "Giving Friday", kojom pomaže javnim kuhinjama u BiH, kompanija "dm drogerie markt d.o.o." i ove je godine finansirajla nabavku namirnica za pripremu obroka za jedan dan za sve korisnike Narodne kuhinje "Imaret" Tuzla. Zahvaljujući ovoj donaciji, korisnici na punktovima na području gradova i općina Tuzla, Gračanica, Lukavac, Srebrenik i Kalesija, kao i oni kojima se hrana dostavlja na kućni prag, dobili su obroke obogaćene kolačima, voćem i sokovima, te su im podijeljeni i suhi obroci za dane vikenda. Osim toga, pet uposlenica "dm"-a su volontirale "Merhametovoj" kuhinji i pekari, pomažući u pripremi obroka, pripremi i pečenju hljeba, serviranju i podjeli, te samoj distribuciji na terenu. Predstavnici firme EKS InTec BH d.o.o. Tuzla, koja postoji od 2017. godine i bavi se programiranjem, uručili su vrijednu donaciju "Merhametovoj" kuhinji "Imaret" u Tuzli. Donacija se sastoji od nove električne konvekcijske peći s 4 pleha, vrijedne 2.340 KM i 800 kilograma brašna za "Merhametovu" pekaru. Sama kompanija EKS In Tec BH i dijelom uposlenici ove uspješne firme osigurali su sredstva za ovo plemenito djelo, a donirana peć i brašno bit će od velike koristi za djelovanje Narodne kuhinje "Imaret" Tuzla. Firma EKS InTec BH d.o.o. Tuzla i njeni uposlenici svake godine doniraju značajna sredstva u humanitarne svrhe, a ovoga puta su odlučili da pomognu najveću javnu kuhinju u našoj zemlji.



Regionalni odbor "Merhameta" Sarajevo

PODIJELJENA POMOĆ VRIJEDNA 1.510.000 KM



U svojoj Narodnoj kući "Imaret", za 700 korisnika, Regionalni odbor "Merhameta" Sarajevo je, u period januar-decembar 2024. godine, pripremio i podijelio 257.733 obroka, ukupne vrijednosti 902.065 KM. U okviru projekta „Misli i čini dobro“, lani je podijeljeno 2.106 prehrambenih paketa, u vrijednosti 107.400 KM

Regionalni odbor "Merhameta" Sarajevo je i u 2024. godini ostvario respektabilne rezultate, podijelivši u tom periodu pomoć vrijednu oko 1.510.000 KM. U svojoj Narodnoj kući "Imaret", Regionalni odbor "Merhameta" Sarajevo je za 700 korisnika pripremio i podijelio 257.733 obroka, ukupne vrijednosti 902.065 KM Ostala vrsta

pomoći za korisnike kuhinje (paketi, povrće, kurbansko meso) iznosila je 29.227 KM. Ukupna pomoć koja je podijeljena u projektu Javna kuhinja lani je iznosila blizu 932.000 KM. Narodna kuhinja "Imaret" bila je veoma aktivna i tokom ramazanskih aktivnosti. U toku mubarek mjeseca, pripremljeno je i podijeljeno 1.810 iftara,

ukupne vrijednosti od 15.900 KM, kao i 620 lanč-paketa vrijednih 3.720 KM. Tako je tokom ramazanskih aktivnosti na iftare i lanč-pakete utrošeno 19.570 KM. U okviru projekta „Misli i čini dobro“, Regionalni odbor "Merhameta" Sarajevo lani je podijelio ukupno 2.106 prehrambenih paketa, u vrijednosti 107.400

KM. Paketi su podijeljeni socijalno ugroženim građanima koji nisu ostvarili pravo na usluge Javne kuhinje. Na projektu „Kućna njega starih, iznemoglih i bolesnih osoba“, u okviru kojeg "Merhamet" Sarajevo svakodnevno brine o 165 korisnika sa područja Kantona Sarajevo podijeljeno je 660 prehrambenih



DVODNEVNI IZLET ZA 100 DJECE IZ BRATUNCA

"Merhamet" Hadžići organizirao je dvodnevni izlet za 100 djece iz Bratunca (roštilj, zabava, noćenje i obilazak Bašćaršije), u šta je uloženo 14.720 KM.

Za poplavljena područja, tokom dva mjeseca, prikupljene su razne donacije, u ukupnoj vrijednosti od 70.000 KM

Tako je "Merhamet" Hadžići, u 2024. godini, prikupio i podijelio pomoć vrijednu oko 240.000 KM.





paketa, 660 higijenskih paketa i 660 paketića sa osnovnim lijekovima i vitaminima.

- Korisnike obilazimo svakodnevno i pružamo socijalno-medicinske usluge, kao što je mjerenje pritiska, mjerenje šećera u krvi, razgovor o ishrani i općem zdravlju korisnika. "Merhametovo" osoblje obavlja razne poslove za njih, kao što je pospremanje prostora u kojem žive, odlazak u kupovinu, obavljanje administrativnih poslova za korisnika, izvođenje u šetnju, odlazak kod doktora sa korisnikom i druge stvari.

Na projektu su zaposlene tri medicinske sestre, dvije volonterke i koordinator projekta. Projekat sprovodimo uspješno zahvaljujući našim partnerima: Ministarstvu za rad socijalnu politiku i raseljena lica Kantona Sarajevo; organizaciji HCI Kanada, Općini Novi Grad Sarajevo - kaže direktor Regionalnog odbora "Merhameta" Sarajevo Kenan Trebinjac.

Pored redovne podjele korisnicima na projektu, mjesečno se nabavlja i potrošni materijal za medicinsko osoblje, kao što su iglice i trakice za mjerenje šećera, jednokratne rukavice, jednokratne natikače, vlažne maramice i slično.

Ukupna vrijednost projekta u 2024. godini iznosila je 154.525 KM.

Pored pomenute pomoći socijalno ugroženim kategorijama stanovništva u Kantonu Sarajevo, Regionalni odbor "Merhameta" Sarajevo je u 2024. godini podijelio i druge vrste pomoći, u vrijednosti od 57.300 KM.

Tako su, pored ostalog, kupljena drva za korisnike (500 KM), Centru za odvikavanje od droga Tarčin donirana je hrana (14.400 KM), za Moto maraton za Srebrenicu obezbijedeni prehrambeni artikli (520 KM), a za Udrženje „Streljački klub“ (495 KM).

Školama u Kantonu Sarajevo donirano je 480 prehrambeno-higijenskih paketa, vrijednih 26.400 KM, Udrženju „Ruka po-



drške" prehrambeni artikli (893 KM), kao i Udrženju „Maloljetni borci“ (582 KM)

Povratnicima u RS podijeljeno je 206 prehrambenih paketa, u vrijednosti od 11.300 KM, a za stradale u poplavama u Jablanici prikupljena je pomoć u vrijednosti 2.150 KM.

Osnovni odbor "Merhameta" Hadžići bio je jedan od najaktivnijih "Merhametovih odbora u 2024. godini. "Merhamet"

Hadžići je u tom periodu podijelio 386 prehrambenih paketa, u iznosu od 32.358 KM.

"Merhamet" Hadžići, prema riječima sekretara Elvedina Memića, pripremio je i podijelio 3.000 iftara i podijelio 136 prehrambenih paketa u mjesecu ramazanu, uručio paketiće djeci, kao i vaučere od "Merhameta" Njemačke, u ukupnoj vrijednosti od 49.470 KM.

"Merhamet" Hadžići je, potom,

podijelio kurbansko meso svojim korisnicima, školski pribor i ruksave za djecu, novu odjeću za djecu iz Bratunca, Srebrenice, Zvornika, Vlasenice, Sokoca, Jablanice i Konjica, kao i sjemena za povratnike u Bratunac, 60 metara drva za ogriev, a pomogao je i opremanje kupatila za jednu porodicu, selidbu i uređenje stana za samohranu majku, u ukupnom iznosu od 73.136 KM.

Regionalni odbor "Merhameta" Travnik

PODIJELJENO 213.500 OBROKA, 1.385 PAKETA, DRVA ZA OGRIJEV



U Narodnim kuhinjama Regionalnog odbora "Merhameta" Travnik pripremljeno je i korisnicima podijeljeni su obroci vrijedni 576.500 KM. U istom periodu, socijalno ugroženim porodicama podijeljeno su i brojne druge vrste pomoći, u vrijednosti 144.000 KM

Brojne su aktivnosti Regionalnog odbora "Merhameta" Travnik u 2024. godini. U ovom dvanaestomjesečju, travnički "Merhamet" je socijalno ugroženim porodicama podije-

lio ukupnu pomoć koja prelazi iznos od 720.000 KM. U Narodnim kuhinjama Regionalnog odbora "Merhameta" Travnik pripremljeno je i korisnicima podijeljeno 213.500

obroka, čija je ukupna vrijednost iznosila 576.500 KM. U istom periodu, socijalno ugroženim porodicama podijeljeno su i brojne druge vrste pomoći, u vrijednosti 144.000

KM, među kojima je 1.385 prehrambenih paketa, vrijednih 72.000 KM, kao i dječiji paketići, sendviči, školski pribor, čija je vrijednost iznosila 19.580 KM.





FORMIRAN AKTIV ŽENA „MERHAMETA“

Povodom obilježavanja 111. godišnjice HO „Merhamet“ MDD u februaru 2024. godine, svečano je formiran i promoviran Aktiva žena Regionalnog odbora „Merhameta“ Travnik. Na svečanosti tim povodom prisustvovao je veliki broj zvanica iz političkog i vjerskog života, kao i veliki broj članica Aktiva.

Članice Aktiva žena „Merhameta“ su tokom ramazana podijelile prehrambene pakete socijalno ugroženim porodicama u Travniku.

U povodu Lejletul-Kadra, 27. noći ramazana, članice Aktiva žena su pripremile i podijelile halvu na tradicionalnom mevludu u Šarenoj (Sulejmaniji) džamiji.



Regionalni odbor „Merhameta“ Travnik je, uz ostalo, podijelio i 50 paleta drva za grijev, u vrijednosti od 14.400 KM, potom 520 komada konzervi, vrijednih 3.730 KM i 1.580 pakovanja hurmi, u vrijednosti od 11.600 KM.

Učenicima iz socijalno ugroženih porodica travnički „Merhamet“ je podijelio

36 stipendija, u ukupnom iznosu od 18.200 KM, a potrebitim osobama jednokratnu pomoć od 3.940 KM

Tokom ramazana, travnički „Merhamet“ je u svojim narodnim kuhinjama pripremio 2.725 iftara za svoje korisnike, od čega je 900 iftara dostavljeno na kućni prag starih i iznemoglih osoba. Uručene su i brojne novčane donacije u iznosu od 12.000 KM) kao i prehrambene donacije vrijedne 10.0000 KM.

- Pripremu iftara pomogle su naše partnerske organizacije: „Merhamet“ Njemačke (1300 eura), „Helping Hand“ (1.960 USD), HO „Merhamet“ MDD Sarajevo (4.000 KM), „Merhamet“ Švedske (14.500 KM), „Merhamet“ Slovenije (1.200 EUR), kao i Turski „Crveni polumjesec“ (3.000 KM).

Povodom Ramazanskog bajrama, u Narodnim kuhinjama „Merhameta“ Travnik podijelili smo paketiće za 200 djece iz socijalno ugroženih porodica, čija je vrijednost iznosila 2.000 KM – kaže direktor Regionalnog odbora „Merhameta“ Travnik Merzuk Omerdić.

Delegacije „Merhameta“ Travnik, Rijaseta IZ u BiH i Muftijstva

travničkog polovinom godine su upriličili posjetu Humanitarnoj organizaciji „Sreća za sve“ u Travniku, u okviru manifestacije „Dani Ajvatovice“ te joj uručili pomoć.

Delegacija Regionalnog odbora „Merhameta“ Travnik, zajedno sa „Merhametovim“ Aktivom žena posjetila je naselje Potok u selu Višnjevo, Posjeta je upriličena nakon vremenskih nepogoda i tim povodom su podijeljeni prehrambeni paketi

mještanima tog naselja.

Početak školske godine Regionalni odbor „Merhameta“ Travnik obilježio je podjelom školskog pribora djeci iz socijalno ugroženih porodica na području Regionalnog odbora „Merhameta“ Travnik.

U julu mjesecu 2024. godine, predsjednika HO „Merhamet“ MDD Kenan Vrbanjac i direktora Regionalnog odbora „Merhameta“ Travnik posjetili su novoizabranog glavnog imama Medžlisa IZ Travnik Edina ef. Memića s kojim su razgovarali o saradnji travničkog „Merhameta“ i Islamske zajednice u tom gradu.

U oktobru 2024. godine, donedavni načelnik Općine Donji Vakuf Huso Sušić izdvojio je iz općinskog budžeta sredstva za kupovinu električnog šporeta za potrebe Narodne kuhinje „Merhameta“ Donji Vakuf.

Nakon poplava u općinama Jablanica, Kiseljak, Fojnica i Kreševo, Uprava Rukometnog kluba „Borac“ Travnik organizirala je prikupljanje novca za poplavljena područja te je „Merhametu“ uručila pomoć za te namjene u iznosu od 732 KM.

U novembru je Regionalni odbor „Merhameta“ Travnik podijelio vaučere, u vrijednosti od po 195 KM, koje je donirao „Crveni polumjesec“ Turske. U istom mjesecu „Merhamet“ je donirao bolničke krevete Kantonalnoj bolnici Travnik.

Kao i svake godine, društveno odgovorna kompanija „dm drogerie markt“, u okviru akcije „Giving Friday“, izdvojila je dio novca za pripremu obroka za 700 socijalno ugroženih osoba na području Regionalnog odbora „Merhameta“ Travnik.

U 2024. godini, „Merhamet“ Njemačke je organizirao veliku akciju sa svojim donatorima koji su obezbijedili sredstva za nabavku 100 m² drva za 50 porodica (po 2 metra drva po porodici), zatim 130 prehrambenih paketa, kao i 300 paketića za novogodišnje praznike.



ŠPORETI I DRVA ZA SOCIJALNO UGROŽENE

Regionalni odbor „Merhameta“ Travnik, u saradnji sa Uredom za društvenu brigu Rijaseta IZ BiH i Muftijstvom travničkim, realizirao je podjelu peći i po dva metra drva za sedam socijalno ugroženih porodica. Donator je bila „Merhametova“ partnerska organizacija „Human Appeal Internacional“ (HAI) iz Australije. Vrijednost te donacije iznosila je 2.750 KM.





Regionalni odbor "Merhameta" Maglaj

KUĆA ZA DEMOBILISANOG BORCA I "KUTAK ZA MALU RAJU"



U javnim kuhinjama u Maglaju i Zavidovićima, u 2024. godini, pripremljeno 72.220 obroka, čija je vrijednost iznosila 267.000 KM. Lani je, u ramazanu, ali i tokom cijele godine, podijeljeno 2.550 prehrambeno-higijenskih paketa, vrijednih oko 140.000 KM

Regionalni odbor "Merhameta" Maglaj je u 2024. godini imao brojne aktivnosti te je podijelio pomoć u ukupnoj vrijednosti od 542.000 KM. U

svojim narodnim kuhinjama u Maglaju i Zavidovićima, u 2024. godini, pripremljeno je 72.220 obroka, čija je vrijednost iznosila 267.000 KM. U toku ci-

jele godine, posebno za vrijeme Kurban-bajrama, za 1.323 korisnika podijeljeno je kurbansko meso, u vrijednosti od 157.500 KM.

Lani je, u ramazanu, ali i tokom cijele godine, podijeljeno 2.550 prehrambeno-higijenskih paketa, vrijednih oko 140.000 KM. Paketi su podijeljeni na



BROJNI DONATORI

Rad Regionalnog odbora "Merhameta" Maglaj, u 2024. godini, pomogli su brojni donatori. Među njima su: Ministarstvo rada i socijalne politike u Vladi ZDK,

Federalno ministarstvo rada i socijalne politike, "Izvor dobročinstva" Sarajevo, Organizacija "Bošnjaci Frankfurta i dijaspore", "Islamic Relief", "Helping Hand", "Merhameti" Norveške, Njemačke i Švedske, Udruženje "Svjetlost" Maglaj, HAJR Maglaj, OŠ „Gazi Ferhad-beg“ Udruženje žena „Fontana“ Maglaj, Udruženje „Cicmanka“ Novi Šeher.

Među redovnim donatorima su: Mliječna industrija 99 Gradačac, "Bontex" Maglaj, INOX Ajanović, INŽENJERING1 Jelah, "Natron Hayat" Maglaj, "Fuel Boss", NERI Maglaj, OBNOVA Jelah, ALU WOOD INŽENJERING Maglaj, VIOLETA, AS Jelah, GEO PUT Maglaj, KZ INŽENJERING Kakanj, EURO VEZ Tešanj, IZOTERM Tuzla, MIRNA Gračanica, BIO ŠAMP, farme koka nosilja KEPIĆ i MAGLAJKA, VOČKO PROM Maglaj, AGRO ŠAMP Maglaj, BUDO EXPORT Magalaj, BELIF Tesanj, JAMI Tesanj, LEDO, Mlin NEZIĆ, SUN PACK, EURO ONIX Tesanj, LUKAS TP NAKIĆ, NON STOP, PEKARA CENTAR, ZEMA Tesanj, SUNPACK TESANJ.

Rad maglajskom "Merhameta" pomogli su i radni kolektivi osnovnih i srednjih škola Maglaj, Tešanj, Matuzići, Jablanica, potom Biblioteka Maglaj, BH Telecom, Pošta Maglaj, Elektroistribucija Maglaj, Dom zdravlja Maglaj, Narodna apoteka Maglaj.



OD FEDERALNOG MINISTARSTVA RADA I SOCIJALNE POLITIKE 100.726 KM ZA REKONSTRUKCIJU I IZGRADNJU OBJEKTA ZA POTREBE JAVNE KUHINJE

Federalni ministar rada i socijalne politike Adnan Delić potpisao je sporazume o sufinansiranju kapitalnih, infrastrukturnih projekata za nevladine i vladine neprofitne organizacije, u ukupnoj vrijednosti od 2,5 miliona KM. Od toga je Regionalnom odboru "Merhameta" Maglaj dodijeljeno 100.726 KM za rekonstrukciju i izgradnju objekta za potrebe Javne kuhinje i poludnevnog boravka, hladnjače, skladišnog i kancelarijskog prostora. Prilikom potpisivanja Ugovora upriličen je sastanak sa ministrom Adnanom Delićem gdje je direktorica Sanela Omerović zahvalila za dosadašnju podršku i uručila Zahvalnicu i poklon od stalnog donatora "BONTEX" Maglaj.

području Zavidovića, Maglaja, Tešnja, Doboja, Doboj Juga, Teslića i Odžaka.

- Tokom ramazana podijelili smo bajramske poklone, vrijedne 8.800 KM. Riječ je o donaciji Bošnjaka iz Frankfurta i bh. dijaspore. Poklone je dobilo 280 mališana na području Maglaja, Živinica, Travnika, Zenice, Visokog, Kaknja i Breze. Tokom novembra i decembra, u okviru Akcije "Kutak" podijelili smo još 200 dječijih poklona, u vrijednosti od 9.000 KM. Osnovni odbor "Merhameta" Zavidovići podijelio je 35 dječijih paketića, vrijednih 700 KM – kaže direktorica Regionalnog odbora "Merhameta" Maglaj Sanela Omerović.

Tokom ramazana, u "Merhametovoj" narodnoj kuhinji u Zavidovićima pripremljeno je 280, a u Maglaju 2.620 iftara, čija je ukupna vrijednost iznosila 48.800 KM. Iftari su starim i bolesnim osobama dostavljeni na kućni prag. Organiziran je i tradicionalni zajednički iftar u Odžaku.

- Za 11 socijalno ugroženih osoba donirani smo ogrijev, zahvaljujući donaciji organizacije "Izvor dobročinstva" iz Sarajeva. Vrijednost donacije iznosila je 5.085 KM. Kompanija "dm drogerie markt" donirala je 2.100 KM za obroke korisnicima naših kuhinja u Maglaju i Zavidovićima – kazala je Omerović.

Posebnu zahvalnost izurazila je novoizabranom načelniku općine Maglaj Maidu Suljakoviću koji je isplatio sva sredstva namijenjena za rad "Merhametove" kuhinje u Maglaju za 2024. godinu, što se, kako kaže Omerović, prvi put desilo.

Zahvaljujući podršci donatora, predstavnici Regionalnog odbora "Merhameta" Maglaj posjetili su poplavljeno stanovništvo Fojnice u naseljima Pločari, Polje Ščitovo i Polje Ostružnica. Posjeta je upriličena zajedno sa novoizabranim načelnikom Općine Maglaj Maidom Suljakovićem,

članovima vijeća Mjesne zajednice Kosova Adisom Abdurahmanovićem, Nedimom Sejmenovićem i Enesom Hasanićem.

Tokom posjete, održan je sastanak s načelnikom Fojnice Sabahudinom Klisurom i njegovim saradnicima.

- Stanovništvo na poplavljeno području obrađivano je našom posjetom, Zahvalili su se na uručenoj pomoći, a riječ je o novčanim sredstvima, sredstvima za čišćenje i dezinfekciju, prehrambeno-higijenskim paketima. Zahvalni smo svim našim donatorima na novčanim i robnim donacijama, a to su: Mliječna industrija 99 Gradačac, "Mlin Nezić" Gradačac, "AS" Jelah, Udruženje "HAJR" i mještani MZ Kosova – kaže Omerović.

Direktorica RO "Merhamet" Maglaj Sanela Omerović i sekretar Osnovnog odbora Zavidovići Fatima Redžić posjetile su gradonačelnicu Zavidovića Ernu Merdić-Smailhodžić.

- Razgovarale smo o brojnim aktivnostima koje provodi "Merhamet" u Zavidovićima, a jedna od najvažnijih je rad Javne kuhinje u kojoj se svakodnevno priprema 120 toplih obroka za najugroženije kategorije stanovništva. Gradonačelnica Merdić-Smailhodžić je pohvalila rad "Merhameta". Predložene su konkretni aktivnosti kojima ćemo poboljšati uslove za naš rad i ostvarenje naše misije "Misli i čini dobro" – naglasila je Omerović.

Zahvaljujući partnerskoj organizaciji "Izvor dobročinstva" iz Sarajeva, Regionalni odbor "Merhameta" Maglaj je učestvovao u realizaciji aktivnosti "Samoodrživi projekti 2024", kroz podjelu poljoprivrednih alata i pomagala povratnicima u Odžaku, Doboj Jugu i Maglaju.

- Zahvala sekretaru Osnovnog odbora "Merhameta" Odžak Azaudinu Porobiću na odabiru korisnika koji su bili u potrebi za ovim vidom podrške. Pomoć je dobilo devet korisnika kojima je





POSJETA NOVOM NAČELNIKU MAGLAJA MAIDU SULJAKOVIĆU

Sanela Omerović, direktorica RO „Merhameta“ Maglaj, posjetila je novoizabranog načelnika Općine Maglaj Maida Suljakovića. Razgovarano je o brojnim aktivnostima koje „Merhamet“ u Maglaju realizira, s ciljem podrške i pomoći građanima teškog socijalnog statusa.

- Općinski načelnik pohvalio je rad „Merhameta“ i realizirane projekte, koji itekako znače za lokalnu zajednicu, posebno kada je riječ o osjetljivim kategorijama - kazala je Omerović.



dodijeljeno šest platenika, te po jedna muzilica, freza i motokultivator.

Regionalni odbor „Merhameta“ Maglaj je u novembru opremio prostoriju sa doniranim igračkama koja je nazvana „Kutak za malu raju“. Pozvani su donatori, roditelji i učenici škola na području općine Maglaj da posjete „Merhamet“ i doniraju slatkiše, igračke, školski pribor i ostalo. Svakog petka smo poklonima obradovali djecu iz socijalno ugroženih porodica na području Maglaja, Zavidovića, Tešnja, Doboj Juga, Doboja kao i djecu iz manjeg bh. entiteta.

- Imali smo učenika iz Prve osnovne škole Maglaj i Osnovne škole Maglaj, Mješovite srednje škole Maglaj, zatim posjetu članica Udruženja žena „Fontana“ Maglaj. Zahvaljujemo se roditeljima i učenicima pomenutih škola, kao i donatorima: Mliječnoj industriji 99 iz Gradačca, „Sumaks“ Tešanj, „Mepromex“ Tešanjka, AS Tešanj i mnogim drugim - kazala je Sanela Omerović.

Na inicijativu Regionalnog odbora „Merhameta“ Maglaj, a uz podršku TV Hayat i emisije „Ispluni mi želju“ te odgovornih osoba u Mjesnoj zajednici Kosova, pokrenuta je akcija za prikupljanje sredstava za izgradnju kuće Rajifu Dediću, demobilisanom pripadniku A RBiH koji živi u staroj, neuslovnoj kućici u Mjesnoj zajednici Kosova.

- Zahvaljujući ljudima dobre volje, prikupljena su sredstva i izgrađena kuća za Rajifu, u roku od 45 dana. Drago nam je što smo do sad inicijatori izgradnje dvije kuće u Maglaju za nepunih jedanaest mjeseci. U novembru mjesecu 2023. godine uručeni su ključevi demobilisanom borcu Jasminu Mujakoviću, korisniku „Merhametove Javne kuhinje, a sad su uručeni ključevi i Rajifu Dedić. Hvala TV Hayat na donaciji namještaja, kao i Mustafi Topčiću na donaciji komode i stola - kaže Sanela Omerović.



Regionalni odbor „Merhameta“ Bihać

SOCIJALNO UGROŽENIM POMOĆ VRIJEDNA 750.000 KM



Regionalni odbor „Merhameta“ Bihać je u 2024. godini pripremio i svojim korisnicima podijelio 48.110 obroka, u vrijednosti od 240.550 KM. Osim toga, bihaćki „Merhamet“ je lani podijelio i 700 prehrambenih paketa i dječijih paketića, vrijednih 490.00 KM

Regionalni odbor „Merhameta“ Bihać je u 2024. godini obezbijedio i podijelio pomoć socijalno ugroženim porodicama u Unsko-sanskom

kantonu, čija je ukupna vrijednost iznosila 750.000 konvertibilnih maraka. U tom periodu, Regionalni odbor „Merhameta“ Bihać

pripremio je i svojim korisnicima podijelio 48.110 obroka, u vrijednosti od 240.550 KM. Osim toga, bihaćki „Merhamet“ je lani podijelio i 700 preham-

benih paketa i dječijih paketića, vrijednih 490.00 KM. Tokom ramazana, Regionalni odbor „Merhameta“ Bihać je podijelio raznu vrstu



AMBASADORI DOBROTE

Rad Narodne kuhinje Regionalnog odbora „Merhameta“ Bihać i u 2024. godini pomogli su brojni donatori. Tako je, između ostalog, kompanija „Semić“ d.o.o. „Merhametovoj“ kuhinji donirala svoje mesne proizvode.

Jedan od stalnih donatora je i firma NINA BB Bužim, koja je „Merhametovoj“ kuhinji u Bihaću donirala prehrambene proizvode.

Učenici Osnovne škole „Gata Ilidža-Vrsta“ godinama imaju poseban odnos i saradnju sa Regionalnim odborom „Merhameta“ Bihać. I u 2024. godini oni su organizirali akciju prikupljanja prehrambenih proizvoda za javnu kuhinju.

- Hvala vam, dragi učenici, što ste pravi ambasadori dobrote - poručio je direktor Regionalnog odbora „Merhameta“ Bihać Alen Prošić.





pomoći, ukupne vrijednosti od 24.500 KM. Između ostalog, „Merhametovi“ volonteri su uspješno dostavili i podijelili iftare i hurme u Bihaću, Bosanskom Petrovcu, Ključu, Velikoj Kladaši i Cazinu.

Brojni iftari dostavljeni su na kućni prag starim i iznemoglim osobama. Dio iftara ovezbijedila je „Merhametova“ partnerska organizacija „Helping Hand“, u okviru svoj programa „Ramadan Food 2024.“

Predstavnici Osnovnog odbora „Merhameta“ Velika Kladaša, koji djeluje u sastavu „Merhametovog“ Regionalnog odbora Bihać, preuzeli su prehrambene pakete i hurme te ih podijelili osobama u stanju potrebe i postaćima u Velikoj Kladaši.

I Osnovni odbor „Merhameta“ Ključ i njegov sekretar Teufik Bajrić obradovali su svoje socijalno ugrožene sugrađane i uljepšali im ramazanske dane, podijelivši im iftare i brojna pakovanja hurmi.

Osim toga, predstavnici Regionalnog odbora „Merhameta“ Bihać, u saradnji sa Udruženjem penzionera Ključ i Osnovnim odborom „Merhameta“ Ključ izvršili su distribuciju donacije za osobe u stanju socijalne potrebe, odnosno članove Udruženja penzionera Ključ.

I u Cazinu su tokom ramazana „Merhametovi“ volonteri dostavljali na kućni prag Pripremu iftara za postače u Gradu Cazinu pomogao je „Merhamet“ Slovenije.

U okviru obilježavanja rođendana Grada Bihaća, korisnici „Merhametove“ kuhinje dobili su od Gradske uprave na poklon posebnu poslasticu – ukusnu tortu!

- Hvala, Gradskoj upravi što na ovaj način po tko zna koji put dokazuje da nije zaboravila, one kojima treba briga, šire društvene zajednice - kazao je direktor Regionalnog odbora „Merhameta“ Bihać Alen Prošić.



Regionalni odbor „Merhameta“ Banja Luka

OTVORENA AMBULANTA PORODNIČNE MEDICINE



Regionalni odbor „Merhamet“ Banja Luka je u 2024. godini postao vlasnik zemljišta površine 3.000m², parcele od 1.000m², kuće i parcele od 457 m², čija vrijednost iznosi 100 hiljada KM

Za Regionalni odbor „Merhameta“ Banja Luka 2004. godina je bila veoma uspješna. Banjalučki „Merhamet“ je u tom periodu povratničkim porodicama u stanju socijalne pomoći podijelio pomoć vrijednu

oko 760.000 KM.

U svoje tri narodne kuhinje, Regionalni odbor „Merhameta“ Banja Luka lani je pripremio i podijelio 105.600 obroka, čija je ukupna vrijednost iznosila 400.000 KM. Tokom ra-

mazana podjeljeno je i 2.600 if-tara, u vrijednost od 39.000 KM. Regionalni odbor „Merhameta“ Banja Luka obezbijedio je povratničkim porodicama u manjem bh. entitetu i 1.000 prehrambenih paketa, vrijednih 50.000 KM.



KAMIONSKA HLADNJAČA OD UDRUŽENJA „HF BERLIN“

Udruženje „HF Berlin“ doniralo je kamionsku hladnjaču Regionalnom odboru „Merhameta“ Banja Luka, vrijednu 10.000 eura, a koja će služiti za potrebe „Merhameta“.

- Koristim priliku da se zahvalim našim novim partnerima HF Berlin, na uspješnoj saradnji koju smo definirali prije nekoliko sedmica kada sam službeno boravio u Berlinu i imao niz sastanaka sa nevladinim sektorom. I evo prvi rezultati se vide. Regionalni odbor „Merhameta“ Banja Luka u svom vlasništvu, pored kamiona hladnjače, ima i dva kombija, koji služe isključivo potrebama „Merhameta“



„Merhamet“ Banja Luka je u 2024. godini postao vlasnik zemljišta površine 3.000m², parcele od 1.000m², kuće i parcele od 457 m², čija vrijednost iznosi 100 hiljada KM.

- Vakifi parcele od 1.000 m² u Bosanskoj Dubici su naši sugrađani Jasmin Fazlić i njegova sestra Hatidža Dupovac koji



DONACIJA MEDICINSKIH KREVETA I OPREME

Hospital zum Heiligen Geist Alten - und Pflegeheim iz Njemačke donirala je bolničke krevete i medicinsku opremu za potrebe budućeg "Merhametovog" staračkog doma u Bosanskoj Dubici. Donacija je osigurana posredstvom Denise Čirkić, prijateljice iz Bosanske Dubice, koja je zaposlenik te Ustanove. "Merhametu" je donirano 40 bolničkih kreveta te razna medicinska pomagala. A ukupna vrijednost donacije je 50.000 eura.



trenutno žive i rade u dalekoj Australiji. Vrijednost imovine koja je donirana "Merhametu" je 25.000 KM. Jasmin Fazlić i Hatidža Dupovac su prepoznali naš iskreni nijet i poklonili zemljište da se grade 4 kuće za porodice koje nemaju svoj krov nad glavom – kaže direktor Regionalnog odbora "Merhameta" Banja Luka Jasmin Spahić.

Krajem decembra, Osnovni odbor "Merhameta" Bosanska Dubica je sklopio Ugovor o poklonu još jednog vakufskog objekta (kuće) koji se nalazi u ulici Vladimira Jovanovića (Begov stan). Poklon kuća će služiti za potrebe "Merhameta".

U Bosanskoj Dubici "Merhamet" je izgradio Ambulantu porodične medicine, čija je vrijednost 170.000 KM. Ambulanta je svečano otvorena u prisustvu nekoliko stotina ljudi. Izgradnju ambulante finansirala je nevladina organizacija "Rahman International" i Udruženje "Za blagostanje" iz Kuvajta, sa sjedištem u Sarajevu.

- Ovaj projekt predstavlja važan korak ka unapređenju zdravstvene zaštite i kvaliteta života povratnika u Bosanskoj Dubici. Ambulanta će pružiti osnovnu zdravstvenu zaštitu povratnicima, omogućujući im pristup nužnim medicinskim uslugama, bez potrebe za dugim putovanjima. Ovo je korak ka izgradnji jače i zdravije zajednice, gdje se svako može osjećati sigurno i zbrinuto. Zahvaljujem svima koji su doprinijeli realizaciji ovog projekta i radujem se pozitivnim promjenama koje će donijeti našoj zajednici - kazao je Jasmin Spahić.

Humanitarnu akciju pod nazivom "Kancer - ja 0:1", čiji je cilj bio da se pacijentima na Onkološkom odjeljenju Dnevne bolnice u Prijedoru pruže što bolji uslove za liječenje, podržalo je HO "Merhamet" MDD.

- U okviru ove akcije, osigurali smo deset bolničkih kreveta, dva stola za infuziju, te dvije kante farbe za krečenje. Donator bolničkih kreveta su naši prijatelji iz "Merhameta" Slovenije, a akcija

je realizirana posredstvom sjedišta "Merhameta" u Sarajevu - kazao je Spahić.

Regionalni odbor "Merhameta" Banja Luka realizirao je i brojne druge akcije u 2024. godini. Između ostalog, upriličena je posjeta Osnovnim odborima "Merhameta" Derventa, Modriča, Bosanski Kobaš, Bosanski Brod i Bosanski Šamac, gdje su učenicima uručeni ruksaci i školski pribor povodom početka nove školske godine. Ova donacija je uručena u sklopu projekta podrške povratničkim sredinama koju zajedno realiziraju Regionalni odbor "Merhamet" Banja Luka i Humanitarni fond "Atlanta".

Regionalni odbor "Merhameta" Banja Luka, povodom nastupanja mjeseca ramzana, obradovao je osobe sa najnižim penzijama u manjem bh. entitetu uručujući im poklon bonove, a sredstva su obezbijeđena preko donatora i prijatelja "Merhameta".

Riječ je o 80 "Merhametovih" korisnika kojima su podijeljeni poklon bonovi, u vrijednosti od po 50 KM, a koji su se mogli iskoristiti u AS marketima, na području grada Banja Luka.

U organizaciji Udruženja "Veterani Krajine 92-95" i Džemata Zagrad, u Prijedoru je tokom ramazana upriličen zajednički iftar na kojem je podijeljeno oko 170 iftarskih obroka. Iftare je pripremila i servirala osoblje Regionalnog odbora "Merhameta" Tuzla.

U ime "Merhameta", zajedničkom iftaru su prisustvovali predsjednik HO "Merhamet" MDD Kenan Vrbanjac i direktori "Merhametovih" regionalnih odbora: Tuzla Mensura Husanović, Bihać Alen Prošić i Banja Luka Jasmin Spahić.

Direktor Regionalnog odbora "Merhameta" Banja Luka Spahić Jasmin posjetio je muftiju banjalučkog Ismail ef. Smajlovića. Tokom sastanka je, između ostalog, razgovarano je o projektima i aktivnostima "Merhameta" te o nastavku saradnje "Merhameta" i Muftijstva banjalučkog.



POSJETA DURAKOVIĆA, LENDE I DIZDARA

Potpredsjednik FBiH Refik Lendo i potpredsjednik entiteta RS Čamil Duraković sesreli su se sa direktorom Regionalnog odbora "Merhameta" Banja Luka Jasminom Spahićem. Razgovarano je o položaju Bošnjaka na prostoru RS, o problemima sa kojima se suočavaju i mogućnostima prevazilaženja tih problema.

Razmatrane su mogućnosti snažnije i intezivnije institucionalne podrške vlasti u FBiH koja će doprinijeti unapređenju kvaliteta života Bošnjaka u RS, te eliminisanju diskriminacije sa kojom se suočavaju.

Federalni ministar raseljenih osoba i izbjeglica Nerin Dizdar posjetio je kompleks na kojem se gradila "Merhametova" ambulanta u Bosanskoj Dubici i razgovarao sa Jasminom Spahićem.





Regionalni odbor "Merhameta" Zenica

BROJNE I ZNAČAJNE AKTIVNOSTI U 2024.



Podijeljena je raznovrsna pomoć socijalno ugroženim građanima, čija je ukupna vrijednost iznosila više od 665.000 KM. U tri narodne kuhinje (Breza, Kakanj i Zenica), koje djeluju u okviru Regionalnog odbora „Merhameta“ Zenica, pripremljeno je 186.753 obroka za 730 korisnika, u vrijednosti od 512.000 KM

Regionalni odbor „Merhameta“ Zenica, sa svojim osnovnim odborima u Kaknju, Brezi, Žepču, Varešu i Visokom, u 2024. godini podijelio je raznovrsnu pomoć socijalno ugroženim građanima na tom području, čija je ukupna vrijednost iznosila više od 665.000 KM. U tri narodne kuhinje (Breza, Kakanj i Zenica), koje djeluju u okviru Regionalnog odbora „Merhameta“ Zenica, pripremljeno je 186.753 obroka za 730 korisnika, u vrijednosti od 512.000 KM.

Tokom mjeseca ramazana, pripremljeno je 3.880 iftara, u

vrijednosti 34.840 KM, a socijalno ugroženom stanovništvu podijeljeno je 696 kg kurbanskog mesa, vrijednog 10.680 KM, kao i 3.600 kg hurmi u iznosu od 9.450 KM. U realizaciji ramazanskih aktivnosti bilo je uključeno preko 50 volontera, studenata i učenika koji su pomagali prilikom pripreme, pakovanja i dostave iftara.

U 2024. godini, Regionalni odbor „Merhameta“ Zenica je podijelio i 987 paketa, u vrijednosti od 23.000 KM te još 289 paketa korisnicima „Kućne njege“, vrijednih 15.200 KM. Korisnicima „Merhametovih“

kuhinja u Zenici, Brezi i Kaknju podijeljeno je i druga vrsta pomoći u ukupnoj vrijednosti od oko 60.000 KM.

U toku 2024. godine, putem sredstava po javnim pozivima, rad kuhinja je sufinansiran od strane: Ministarstvo za rad i socijalnu politiku ZDK (160.000 KM), kao i Federalnog ministarstva rada i socijalne politike (39.125,65 KM).

„Merhametove“ ramazanske aktivnosti pomogli su „Merhamet“ Njemačke, obezbijedivši novčana sredstva za pripremu 500 iftara u Zenici i Brezi, te 1.370 KM u svrhu podjele vitra i

zekata socijalno ugroženim osobama. Organizacija „Helping Hand“ donirala je 2.610 KM za pripremu 300 iftara i 100 prehrambenih paketa u vrijednosti od 2.910 KM koji su uručeni socijalno ugroženim porodicama u Visokom i Varešu; dok je organizacija „Bosnian Canadian Relief Association“ donirala 70 paketa, vrijednih 2.230 KM, koji su uručeni socijalno ugroženim porodicama u Žepču.

Projekat „Kućna njege“ namijenjen je starim, bolesnim i iznemoglim osobama, a realizira se na području Zenice i Kaknja.



TRI GODINE „MALE ŠKOLE“

Zanimljiv i koristan projekt Regionalnog odbora „Merhameta“ Zenica je projekt „Mala škola“, namijenjen djeci korisnika Narodne kuhinje u Zenici, kao mjesto za učenje, druženje i igru. Već tri godine, volonterka Berina Golub vodi „Malu školu“ i radi sa djecom.

- S ciljem da omogućimo djeci još bolji kvalitet u procesu učenja i sticanja novih znanja i vještina, uveli smo još jedan termin rada „Male škole“. Svoje znanje i višegodišnje iskustvo stavila je na raspolaganje i učiteljica Emina Beganović-Čelebić. Sada djeca imaju priliku dva puta sedmično da uče i rade sa dvije učiteljice, te vjerujemo da će vrijeme koje provedu u „Maloj školi“ biti itekako važno za njihov rast i razvoj – kaže Zijada Kliko-Pezić.





- "Merhametovi" volonteri obilaze lica uključena u projekat i pružaju im neku od sljedećih usluga: uručuju prehrambeno-higijske pakete, lijekove ili pelene, a onima kojima je potrebno mjere krvni pritisak ili nivo šećera u krvi. Tokom 2024. godine bilo je 40 osoba koje su bile uključene u ovaj projekat, a realizirano je oko 400 posjeta. U 2024. godini, korisnicima „Kućne njege“ podijeljeno je 289 paketa, a ukupna vrijednost uručene pomoći je 15.166,36 KM. Ovaj projekat je u 2024. godini sufinansiralo Federalno ministarstvo rada i socijalne politike sa 17.770 KM - kaže direktorica Regionalnog odbora "Merhameta" Zenica Zijada Kličo-Pezić.

Usljed velikih poplava koje su zadesile našu zemlju, zenički „Merhamet“ je za ugroženo stanovništvo na stradalim područjima prikupio pomoć od 20.600 KM. Ovaj regionalni odbor prikupio je i pomoć za ugroženo stanovništvo gaze, vrijednu blizu 17.000 KM. Regionalni odbor "Merhameta" Zenica obilježio je iznačajne datume. Tako je obilježen Međunarodni dan mentalnog zdravlja te 17. oktobar - Međunarodni dana borbe protiv siromaštva. Članice udruženja "KAFTAN" pripremile su različita jela koja su donirala i pomogla u podjelu obroka.

Obilježen je i 1. oktobar - Međunarodni dan starijih osoba. Tim povodom, organizovana je posjeta korisnicima projekta "Kućna njega" na području Zenice i Kaknja. - U saradnji sa donatorima, pripremili smo lijepe poklone korisnicima. Zahvaljujemo se na podršci našim vrijednom volonterkama, kao i donatorima: Buregdžinica "Hamzić" Zenica (pite), Domaća radinost "Turčinović" Zenica (voće), Buregdžinica i Čevabdžinica OAZA Kakanj (pite), Lašva Č.S. d.o.o. Kakanj (mlijeko i sanitarije), Zuca Masic (voće i povrće), Slastičarna "Ella" Kakanj (torta) - kaže Kličo-Pezić.





VRIJEDNI I HUMANI UČENICI SMŠ "MLADOST"

U saradnji sa Srednjom mješovitom školom "Mladost" Zenica, u toku 2024. godine nekoliko puta je realizirana akcija besplatnog šišanja za sve korisnike koje su šišali učenici ove škole.

Učenici tekstilnog smjera "Mladost", uz pomoć profesorice Amire Šabić, skrojili su i sašili hlače za kuharice Narodne kuhinje.

Regionalni odbor "Merhameta" Zenica aplicirao je na javni poziv od Federalnog ministarstva za rad i socijalnu politiku sa projektom "Kućna njega starih osoba".

Projektat je prihvaćen i podržan novčanim sredstvima u iznosu od 17.700 KM.

Projektat će se realizirati na području Zenice i Kaknja, a uključuje 40 starijih osoba.

Posredstvom Sjedišta "Merhameta", "Crveni polumjesec" Turske donirao je 50 poklon vaučera za jetimske porodice. Vaučeri, u vrijednosti od po 195 KM, uručeni su za ukupno 50 porodica sa područja Zenice, Kaknja, Breze, Vareša i Žepča.

U 2024. godini, akcija "Ogrjev" realizirana je uz pomoć organizacije "Helping Hand", koja je obezbijedila 46 m³ drva koja su uručena za 23 socijalno ugrožene porodice na području Zenice, Kaknja, Breze i Visokog. U periodu juli-decembar 2024. godine, Osnovni odbor "Merhameta" Visoko realizirao je projektat "Volontiraj i budi ruka podrške", a čije je cilj posjetiti najugroženije osobe treće živ-

otne dobi na području Visokog i uručiti im prehrambene pakete. Pored nekoliko donatora, projektat je sufinansirao i grad Visoko sa 2.000 KM. Regionalni odbor "Merhameta" Zenica ima dobru dugogodišnju saradnju sa Medžlisima IZ Zenica, Kakanj i Breza, putem realizacije raznih aktivnosti. I ove godine, provodeći svoju redovnu akciju prikupljanja zekata na poljoprivredne proizvode, Medžlisi su uključili i "Merhamet" kojem su krompir, luk, paprike, tikve, bijeli luk, mrkve, cvekle za pripremu obroka u narodnim kuhinjama. Firme "Feko-sale" d.o.o. Zenica dva puta je u toku 2024. godine uručila veoma vrijednu donaciju Regionalnom odboru "Merhameta" Zenica. Riječ je o različitim prehrambenim i higijenskim artiklima.

Osnovni odbor "Merhameta" Kakanj dobio je vrijednu novčanu donaciju za kupovinu kiper-tave za potrebe pripreme obroka u svojoj Narodnoj kuhinji. Donacija je obezbijedena uz pomoć Kakanja, sada već rahmetli Zijada

Skopljakovića, koji je bio potpredsjednik "Merhameta" Norveške.

Skopljakovića su ugostili predsjednik HO "Merhamet" Kenan Vrbanjac, direktorica Regionalnog odbora Zenica Zijada Kliko-Pezić i sekretar Osnovnog odbora Kakanj Šefika Osmanbegović.

Već sedmu godinu, kompanija "dm-drogerie markt", nakon sprovedene akcije "Giving Friday", donira jedan dnevni obrok za sve korisnike "Merhametovih" kuhinja u Zenici, Kaknju i Brezi. U pripremi i podjeli obroka pomogle su i uposlenice ove kompanije.

Brojni donatori u volonteri su u 2024. godini pomogli rad Regionalnog odbora "Merhameta" Zenica. Među njima su: Zeničko-dobojski kanton, Grad Zenica, Općina Kakanj, Općina Breza, Grad Visoko, Medžlisi IZ Zenica, Kakanj, Breza i Visoko, Federalno ministarstvo za rad i socijalnu politiku, pekare

"Prušćanović" Zenica, "A.S." Breza, "Mido" Zenica, "Ditta" Zenica, "Euroklas" Zenica, potom juškare "Merak" i "TIP TOP" Zenica, slastičarna "Kristal" Zenica, "Buenoo domaći kolači", "Inter-com" d.o.o. Zenica, "Almy" d.o.o., "Almy-transport" d.o.o., "Brkić petrol", "Ekor Komerc" d.o.o., "Hass komerc" d.o.o. Zenica, "D&S Mont" d.o.o. Zenica, "Fuel Boss" d.o.o. Zenica, "Feko sale" d.o.o. Zenica, fast food "Toster" Zenica, "BK Gradnja" d.o.o. Zenica, "Tola-company" Zenica, Premium group d.o.o. Visoko, "Nerzz Bešlagić".

Među donatorima su i: Mesna industrija OVAKO; "Perutnina-Ptuj-BH" Breza, udruženje "Most-bro" Danska (Breza), Ramiz Kadrić iz Breze, "Ame" d.o.o. Breza, "Trgošped" Kakanj, "Nova Trgovina-S" Kakanj, Plantaža "Baš-Bašča" Breza, "Termo-beton" d.o.o. Breza, "Kazaz" d.o.o. Breza, "Nahonal-Gas" d.o.o. Breza, "Autodijelovi Start" d.o.o. Breza i "Naša riječ", kao i portali Zenicablog, Zenicainfo, Breza-x, radio Breza i Narodni radio.



Regionalni odbor "Merhameta" Goražde

OBROCI, HLJEB, PAKETI I DRVA ZA SOCIJALNO UGROŽENE PORODICE



U 2024. godini, goraždanski "Merhamet" je podijelio pomoć socijalno ugroženim porodicama u ukupnoj vrijednosti od 256.000 KM. U svojoj kuhinji svojim korisnicima je pripremio 8.800 obroka, a u pekari 32.000 hljebova

Regionalni odbor "Merhameta" Goražde je u 2024. godini podijelio pomoć socijalno ugroženim porodicama u ukupnoj vrijednosti od 256.000 KM. Riječ je o raznim vrstama pomoći, od obroka, hljebova, prehran-

benih paketa, drva za ogrijev i druge pomoći. Regionalni odbor "Merhameta" Goražde je, u pomenutom period, u svojoj Javnoj kuhinji pripremio je za svoje korisnike 18.800 obroka, čija je ukupna vrijednost

iznosila oko 105.000 KM, dok je u "Merhametovoj" pekari u Goraždu pripremljeno i podijeljeno 32.000 hljebova, u vrijednosti od 47.600 KM. Lani je goraždanski "Merhamet" podijelio i 910 prehrambenih

paketa, vrijednih 43.100 KM. Najveći broj ovih paketa je podijeljen tokom ramazanu. - Zahvaljujući mnogobrojnim donatorima i organizacijama, Regionalni odbor "Merhameta" Goražde je u ramazanu





pripremio i podijelio 850 iftara, čija je vrijednost iznosila 8.500 KM. Iftari su podijeljeni na prostoru entiteta RS, gdje se nalazi i veliki broj naših korisnika i u gradu Goraždu, gdje smo obišli mnoga udruženja sa posebnim potrebama i posjetili osobe starije životne dobi – kaže direktor Regionalnog odbora “Merhameta” Goražde Ermin Hodžić.

Prema njegovim riječima, “Merhamet” Njemačke je obezbjedio i bajramske paketiće, vrijedne 1.000 KM za mališane iz socijalno ugroženih porodica,

- Zahvaljujući dobrim ljudima, fizičkim licima, imali smo i veoma značajan broj donacija, prije svega u namirnicama za kuhinju (brašno, ulje, pileće meso, pilećina, sol i začini), u vrijednosti od oko 5.000 KM. Ukupna vrijednost svih donacija u mjesecu ramazanu iznosila je 51.600 KM – kaže Hodžić.

Regionalni odbor “Merhameta” Goražde je u 2024. godini podijelio i 48 metara kvadratnih drva za ogrijev za 24 socijalno ugrožene porodice. Vrijednost te donacije iznosila je 10.400 KM.



Regionalni odbor „Merhameta“ Mostar

U 2024. GODINI OSTVARENI VEOMA ZAPAZENI REZULTATI



Ukupna pomoć na području Regionalnog odbora „Merhameta“ Mostar, tokom 2024. godine, prelazi iznos od 400.000 KM. „Merhametova“ Narodna kuhinja u Jablanici je u tom periodu pripremila i podijelila 25.000 obroka, čija je ukupna vrijednost iznosila 95.000 KM. Socijalno ugroženim porodicama podijeljeno je i 2.000 paketa, vrijednih 100.000 KM

Regionalni odbor „Merhameta“ Mostar, zajedno sa svojim osnovnim odborima, u 2024. godini ostvario je veoma zapažene

rezultate. Ukupna pomoć koja je realizirana na području Regionalnog odbora „Merhameta“ Mostar, tokom 2024. godine, prelazi iznos od

400.000 KM. „Merhametova“ Narodna kuhinja u Jablanici je u tom periodu pripremila i podijelila 25.000 obroka, čija je ukupna vrijednost iznosila

95.000 KM. Regionalni odbor „Merhameta“ Mostar, u sklopu projekta „Misli i čini dobro“, lani je socijalno ugroženim porodicama





SVEČANA AKADEMIJA POVODOM 111. GODIŠNJICE „MERHAMETA“

Sredinom februara, u organizaciji Regionalnog odbora u Mostaru, održana je svečana akademija povodom 111. godišnjice Muslimanskog dobrotvornog društva „Merhamet“. Pored predsjednika „Merhameta“ Kenana Vrbanjca, člana Upravnog odbora, direktora regionalnih odbora, akademiji su prisustvovali mnogobrojni gosti iz javnog, političkog, kulturnog i društvenog života.

- To je bila prilika da se Regionalni odbor „Merhameta“ Mostar zahvali svima koji su u protekle tri godine podržavali rad i aktivnosti „Merhameta“ na području Hercegovine – kazao je Hasić.



podijelio i 2.000 paketa, vrijednih 100.000 KM. Paketi su podijeljeni na području Mostara, Konjica, Jablanice, Prozora, Tomislavgrada, Čapljine, Stoca, Ljubuškog, Trebinja, Nevesinja, Gackog i Bileće.

Za 270 učenika iz porodica slabijeg materijalnog stanja obezijeđen je školski pribor, u iznosu od 8.560 KM.

Tokom ramazana, podijeljeno je 2.000 iftara, 700 paketa, 34.000 kg hurmi, a ukupna vrijednost te pomoći iznosila je oko 60.000 KM.

- Tokom ramazana, naša kuhinja pripremila je 2.000 iftara koje smo distribuirali ili podijelili postaćima u stanju potrebe na kućni prag, a organizirali smo i zajedničke iftare u povratničkim džematima diljem Hercegovine. U Mostaru je upriličen tradicionalni iftar za donatore i prijatelje „Merhameta“, na koji se odazvalo 111 zvanica iz javnog, političkog, diplomatskog, kulturnog i društvenog života – kaže direktor Regionalnog odbora „Merhameta“ Mostar Adnin Hasić.

Tokom 2024. godine, prikupljeno je oko 20.000 KM pomoći za narod Gaze, kao i više od 30.000 KM za pomoć stanovništvu poplavljenih područja u Konjicu i Jablanici. Tokom godine, mostarski „Merhamet“ je podržao mnogobrojne zahtjeve za jednokratnu pomoć za liječenje, u vrijednosti većoj od 5.000 KM.

Nastavljena je uspješna saradnja sa Vladom HNK-a, Ministarstvom zdravstva, rada i socijalne zaštite HNK-a, centrima za socijalni rad i mjesnim zajednicama.

Početkom oktobra, nakon obilnih padavina područje Jablanice i Konjica pogođeno je stravičnom poplavama sa katastrofalnim posljedicama. Istog dana Regionalni odbor „Merhameta“ Mostar, sa osnovnim odborima u Konjicu i Jablanici, stavio je na raspolaganje sve svoje resurse Kanton-

alnoj upravi civilne zaštite HNK i štabovima civilne zaštite u Konjicu i Jablanici.

Od prvog dana, „Merhametova“ kuhinja u Jablanici pripremila je obroke koji su distribuirani prema ugroženom stanovništvu i timovima za spašavanje, civilnoj zaštiti, Oružanim snagama, policiji, volonterima i svima koji su učestvovali u traženju nestalih i raščišćavanju terena i sanaciji nastalih šteta. Samo na području Jablanice i Konjica pripremljeno je i distribuirano preko 12.000 toplih i suhih obroka, više 1.400 prehrambeno higijenskih paketa te ostalih vidova pomoći, sveukupne vrijednosti preko 120.000 KM.

Nastavljena je saradnja sa obrazovnim ustanovama na području Hercegovačko-neretvanskog kantona. Tokom godine, kolektivi Srednje medicinske, Srednje politehničke i Srednje građevinske škole uplatili su godišnju članarinu. Sredinom januara, u organizaciji Regionalnog odbora Mostar, za direktore osnovnih i srednjih škola organizirana je posjeta rodnoj kući Alije Izetbegovića u Bosanskom Šamcu te posjeta „Merhametovoj“ narodnoj kuhinji u Tuzli. U decembru je potpisan sporazum o saradnji sa Univerzitetom „Džemal Bijedić“ u Mostaru. U prisustvu predsjednika „Merhameta Kenana“ Vrbanjca, sporazum su potpisali direktor Regionalnog odbora Mostar Adnin Hasić i prof. dr Alena Huseinbegović, rektorica Univerziteta „Džemal Bijedić“ u Mostaru.

U skladu sa planom u 2024. godini, Regionalni odbor „Merhameta“ Mostar, na osnovu saglasnosti Upravnog odbora, uspješno je proveo aktivnost kupovine zemljišta površine 2.200 metara kvadratnih na području Željuše, gdje „Merhamet“ planira izgraditi Logistički centar.

U sklopu Logističkog centra,



VIŠE OD 80 VOLONTERA POMAGALO NAKON KATASTROFALNIH POPLAVA

Više od 80 volontera bilo je angažovano tokom perioda stanja elementarne nepogode koji su svakodnevno pomagali prilikom pripreme i dostave obroka porodicama koje su bile primorane napustiti svoje domove, kao i timovima koji su radili na traženju nestalih, raščišćavanju terena i sanaciji infrastrukture na području Jablanice i Konjica. Tim povodom, početkom decembra u Jablanici je upriličena „Večer volontera“ na kojoj se „Merhamet“ zahvalio svim volonterima koji su dali svoj nesebičan doprinos tokom stanja elementarne nepogode.





planiraju se instalirati humanitarna pekara, rashladne komore za skladištenje kurbanskog mesa, te ostali sadržaji za kvalitetniji rad „Merhameta“. Vrijednost kupoprodajnog ugovora iznosila je 72.500 KM, a potpisao ga je direktor Regionalnog odbora „Merhameta“ Mostar Adnin Hasić, po ovlaštenju predsjednika HO „Merhamet“ MDD Kenana Vrbanjca.

U 2024. godini, nastavljena je kvalitetna saradnja sa partnerskim udruženjima „Izvor dobročinstva“, „Izvor pomoći“ Mostar, Udruženjem „Emel“, Sportskim društvom „Dubravka“, UG „Bregava“ 42. bbr, ali i „Merhametom“ Švedske, Njemačke i Norveške, koji u kontinuitetu podržavaju rad Regionalnog odbora „Merhameta“ Mostar.

Direktor Hasić posebno ističe ostvarenu saradnju sa organizacijom „Johanniter“ iz Njemačke sa kojom je krajem decembra započeta realizacija zimske akcije distribucije i podjele preko 1.500 prehrambeno-higijenskih paketa na području Hercegovine.

- Veliku zahvalnost dugujemo mreži naših volontera, građanima i privrednim društvima koji svojim donacijama i uslugama podržavaju naš rad i aktivnosti.

Često nas kontaktiraju ili posjećuju građani te svojim prilogom žele da podrže naš rad, također građani putem društvenih mreža prate naše aktivnosti, a svoje priloge ostave u našim humanitarnim kasama koje su raspoređene u tržnim centrima.

U narednom periodu, nastojat ćemo da dodatno promoviramo našu misiju dobročinstva, da osnažimo saradnju sa svim društveno odgovornim kompanijama, organizacijama i institucijama kako bi rad „Merhameta“ u Hercegovini bio kvalitetniji i borba protiv siromaštva efikasnija – naglašava Adnin Hasić.



Potpisan sporazuma sa visokoškolskom ustanovom u Mostaru



UNIVERZITET "DŽEMAL BIJEDIĆ" I "MERHAMET" OZVANILI SARADNJU

Objе strane izrazile su zadovoljstvo postignutim dogovorima, kao i uvjerenje da će nastavak realizacije i novi zajednički projekti imati dugoročnu korist za studente i širu društvenu zajednicu kroz socijalnu i humanitarnu misiju

U rektoratu Univerziteta "Džemal Bijedić" u Mostaru održan je krajem decembra sastanak rektorice Univerziteta prof. dr. Alene Huseinbegović i njenih saradnika sa delegacijom Muslimanskog dobrotvornog društva "Merhamet" koju je predvodio predsjednik Kenan Vrbanjac.

Tom prilikom je potpisan sporazum o saradnji Regionalnog odbora "Merhameta" Mostar i Univerziteta "Džemal Bijedić" koji, kako je naglašeno, otvara vrata za nastavak i jačanje saradnje, društvene odgovornosti, podrške studentima i širem društvu kroz različite projekte u sferi aktivnosti koje realizuje

"Merhamet". Sporazum o saradnji rezultat je već postojeće pozitivne i uspješne saradnje Univerziteta i "Merhameta" koja traje duži niz godina. Objе strane izrazile su zadovoljstvo postignutim dogovorima, kao i uvjerenje da će nastavak realizacije i novi zajednički pro-

jekti imati dugoročnu korist za studente i širu društvenu zajednicu kroz socijalnu i humanitarnu misiju. Predsjednik "Merhameta" Kenan Vrbanjac istakao je brojne aktivnosti koje ovo dobrotvorno društvo realizuje pri svakodnevnom radu i djelovanju. Među njima se posebno

ističu rad 46 kuhinja i punktova u kojima se svakodnevno priprema više od 8.000 obroka za socijalno-ugroženo stanovništvo u Bosni i Hercegovini, kao i stipendiranje učenika osnovnih i srednjih škola iz Fondacije „Edah Bećirbegović“, u saradnji s "Merhametom" Švedske i Njemačke. Direktor Regionalnog odbora "Merhameta" Mostar Adnin Hasić, koji je uz rektoricu potpisnik sporazuma o saradnji, predstavio je rad Regionalnog odbora "Merhameta" u Mostaru i njegove projekte. Rektorica prof. dr. Alena Huseinbegović čestitala je Kenanu Vrbanjcu na uspješnom vođenju "Merhameta". Pohvalila je aktivnosti koje "Merhamet" realizuje na području Hercegovine. Podsjetila je na

humanitarne aktivnosti koje je Univerzitet realizovao upravo preko "Merhameta", kao što su pomoć Turskoj i Siriji znakom razornih zemljotresa, te pomoć za Jablanicu, Konjic i okolna područja koja su bila pogođena poplavama i odronima. Na sastanku su dogovoreni i konkretni koraci buduće zajedničke saradnje, među kojima se izdvaja inicijativa za dodjelu stipendija za studente sa Univerziteta "Džemal Bijedić" u Mostaru već od naredne akademske godine, te podrška studentima koji borave u Studentskom domu Antalija u vidu vakumirane tjestenine koja je dio proizvodne linije "Merhameta", a koja će biti distribuirana studentima u cilju olakšavanja njihovog svakodnevnog života i prehrane.

Organizacija jedinice u inostranstvu u 2024. godini



POMOĆ "MERHAMETA" ŠVEDSKE VEĆA OD 100.000 KM

Ova vrijedna donacija se ne bi mogla skupiti bez Bosanaca i Hercegovaca, stalnih donatora "Merhameta" Švedske. Oni nikada nisu zaboravili svoju domovinu i svoj narod u BiH, kaže Fehim Halilović

"Merhamet" Švedske, kao dio porodica Muslimanskog dobrotvornog društva "Merhamet", i u 2024. godini je obezbijedio značajnu pomoć za socijalno ugrožene porodice u Bosni i Hercegovini. Ukupna pomoć "Merhameta" Švedske u protekloj godini iznosila je više od 100.000 KM. Riječ je sredstvima koja su bila namijenjena "Merhametovim" naro-

dnim kuhinjama za pripremu obroka za oko 8.000 korisnika koje Muslimansko dobrotvorno društvo "Merhamet" svakodnevno hrani u svojih 46 kuhinja sa njihovim punktovima širom Bosne i Hercegovine.

- Ova vrijedna donacija se ne bi mogla skupiti bez Bosanaca i Hercegovaca, stalnih donatora "Merhameta" Švedske. Oni

nikada nisu zaboravili svoju domovinu i svoj narod u Bosni i Hercegovini, pogotovo najsiromašnju kategoriju stanovništva u našoj zemlji - kazao je predsjednik "Merhameta" Švedske Fehim Halilović.

Prema njegovim riječima, ovo je jedna od stalnih akcija "Merhameta" Švedske koja je već postala tradicionalna.

- Cilj ove akcije je da se pomogne "Merhametovim" narodnim kuhinjama u Bosni i Hercegovini u kojima se hrane socijalno ugrožene porodice i to na cijeloj teritoriji naše zemlje - naglašava Halilović. "Merhamet" Švedske, dodaje Halilović, finansirao i kupovinu profesionalne kuhinjske peći za Narodnu kuhinju u Novom Travniku, vrijedne 7.254 KM.



Organizacije jedinice u inostranstvu u 2024. godini



POMOĆ "MERHAMETA" NJEMAČKE 175.000 KM

U okviru stalnog projekta "Kinderkarawane", obezbijedena su sredstva u iznosu od 18.850 KM koja su, u formi 377 "Bingo vaučera", u apoeonima od po 50 KM, podijeljena djeci iz rurarnih područja oko Sarajeva. "Merhamet" Njemačke je obezbijedio i mjesečne stipendije za 40 učenika i studenata, čije je ukupna vrijednost iznosila 39.670 KM

"Merhamet" Njemačke je u 2024. godini, uz podršku brojnih donatora u toj zemlji, obezbijedio raznovrsnu pomoć za socijalno ugrožene porodice u BiH, čija je ukupna vrijednost iznosila oko 175.000 KM

"Merhamet" Njemačke je donirao 40.000 KM za "Merhametove" ramazanske aktivnosti, za pripremu iftara i dostavljanje na kućni prag starih, bolesnih i iznemoglih osoba, za nabavku dječijih

paketića, te novčanu pomoć ugroženim porodicama i licima. U okviru stalnog projekta "Kinderkarawane", obezbijedena su sredstva u iznosu od 18.850 KM koja su, u formi 377 "Bingo vaučera", u apoeonima od po 50

KM, podijeljena djeci iz rurarnih područja oko Sarajeva. Obezbijedio je i mjesečne stipendije za 40 učenika i studenata, čije je ukupna vrijednost iznosila 39.670 KM.

U okviru novogodišnje akcije,



"Merhamet" Njemačke je donirao 27.480 KM. Od tog novca, nabavljeno je 100 m³ iscijepanih drva za 50 porodica, 300 dječijih paketića i 130 porodičnih paketa sa osnovnim životnim namirnicama. Za pripremu obroka i za nabavku sokova za učesnike "Marša mira" obezbijedeno je 5.870 KM. "Merhamet" Njemačke je podržao i akciju prikupljanja

pomoći za porodice čiji su domovi stradali u katastrofalnim poplavama i klizištima te je za stanovništvo Jablanice obezbijedio 25.600 KM

U saradnji sa emisijom "Ispuni mi želju" TV Hayat, "Merhamet" Njemačke je, u 2024. godni, socijalno ugroženim porodicama u BiH donirao pomoć u vrijednosti od 15.900 KM.

Pomoć „Merhametovih“ partnerskih organizacija



BROJNIM PORODICAMA U BiH DONIRANA DRVA ZA OGRJEV

Drva za ogrjev obezbijedena su zahvaljujući „Merhametu“ Švedske, „Merhametu“ Njemačke, „Merhametu“ Norveške i organizaciji „Helping Hand“. Ukupno je osigurano 295 kubnih metara drva, čija je vrijednost iznosila 38.260 KM

U 2024. godini, Muslimansko dobrotvorno društvo „Merhamet“ obradovao je mnoge porodice širom Bosne i Hercegovine, obezbijedivši im drva za ogrjev i tako im pomogavši da lakše prebrode oštru zimu. Drva za ogrjev obezbijedena su zahvaljujući „Merhametu“

Švedske, „Merhametu“ Njemačke, „Merhametu“ Norveške i organizaciji „Helping Hand“. Ukupno je osigurano 295 kubnih metara drva, čija je vrijednost iznosila 38.260 KM. Drva su podijeljena socijalno ugroženim porodicama na prostoru

Bihaća, Zenice, Banje Luke, Goražda i Mostara. „Merhamet“ Švedske donirao je sredstva za nabavku 38 metara kubnih drva za ogrjev, vrijednih 5.400 KM. „Merhamet“ Njemačke je obezbijedio novac za nabavku 100 metara kubnih drva za ogrjev, čime je

obradovano 50 porodica. Vrijednost te donacije iznosila je 14.400 KM.

„Merhamet“ Norveške je donirao 4.560 KM za nabavku 30 kubnih metara drva.

Organizacija „Helping Hand“ je za nabavku 92 metra kubnih drva donirala iznos od 7.933 KM.



Regionalni odbor "Merhameta" Zenica



„HELPING HAND“ U 2024. GODINI OBEZBIJEDIO POMOĆ OD 172.000 KM

Ukupna novčana podrška "Helping Handa" ramazanskim aktivnostima "Merhameta" iznosila je oko 55.600 KM. Između ostalog, „Helping Hand“ je obezbijedio i 89.500 KM za stipendiranje učenika u okviru „Merhametovog“ Fonda za stipendiranje „Edah Bećirbegović

Organizacija „Helping Hand“ je u 2024. godini obezbijedila vrijedne donacije za Muslimansko dobrotvorno društvo „Merhamet“. Između ostalog, tokom mjeseca ramazana, ova „Merhametova“ partnerska organizacija donirala je 1.000 prehrambenih paketa za socijalno ugrožene porodice, čija je ukupna vrijed-

nost iznosila 29.100 konvertibilnih maraka, kao i sredstva za pripremu iftara u ukupnom iznosu od 26.800 KM. Ukupna novčana podrška "Helping Handa" ramazanskim aktivnostima "Merhameta" iznosila je oko 55.600 KM. Ova organizacija je "Merhametu" donirala i oko 18.200 konvertibilnih maraka za

nabavku 37 kurbana, namijenjenih "Merhametovim" narodnim kuhinjama za pripremu obroka svojim korisnicima. „Helping Hand“ je, osim pomenute pomoći, obezbijedio još 89.500 KM za stipendiranje učenika u okviru „Merhametovog“ Fonda za stipendiranje „Edah Bećirbegović. Naime, od tog novca stipendirano 100

učenika iz socijalno ugroženih porodica, odnosno 50 učenika osnovnih škola i 50 srednjoškolaca. Organizacija „Helping Hand“ je za nabavku 92 metra kubnih drva donirala iznos od 7.933 KM. Ukupna pomoć kojom je u 2024. godini „Helping Hand“ podržao različite „Merhametove“ aktivnosti iznosila je oko 172.000 KM.



Humani pohod mladih u svojoj domovini



MLADIĆI I DJEVOJKE IZ NJEMAČKE CIJELU SEDMICU VOLONTIRALI U "MERHAMETU"

Din Čaušević, Emma Čaušević, Benjamin Ibrahimović, Adin Šahurić, Haris Huskić, Elhana Kekić, Naza Durić, Ajla Šabić, Ajla Huskić i Leila Bećirović, koji su i članovi folklornog ansambla "Sevdaha", poželjeli su da, tokom ljetnih ferija, volontiraju u Muslimanskom dobrotvornom društvu "Merhamet"

Deset srednjoškolaca i studenata iz Frankfurta dugo će pamtili sedmodnevni humanitarni pohod u svojoj domovini, gdje im je, polovinom aprila, domaćin bilo Muslimansko do-

brotvorno društvo "Merhamet". Riječ je o djeci čiji su roditelji članovi "Merhameta" Njemačke i veoma organiziranog udruženja Bosanaca i Hercegovaca DBHKV "Sevdah - Frankfurt

am Main" e. V. Din Čaušević, Emma Čaušević, Benjamin Ibrahimović, Adin Šahurić, Haris Huskić, Elhana Kekić, Naza Durić, Ajla Šabić, Ajla Huskić i Leila Bećirović,

koji su i članovi folklornog ansambla "Sevdaha", poželjeli su da, tokom ljetnih ferija, volontiraju u Muslimanskom dobrotvornom društvu "Merhamet", da se susretnu sa onima

koji su u stanju socijalne potrebe, a kojima umnogome pomažu Bosanci i Hercegovci u Njemačkoj, posredstvom "Merhameta" u ovoj zapadnoevropskoj zemlji.

Mladi volonteri, na koje su njihovi roditelji temeljito prenijeli ljubav prema svojoj domovini, od svojih očeva i majki naslijedili su i empatiju prema svom narodu u domovini te osjećaj





solidarnosti prema onima kojima je pomoć potrebna. Tokom volontiranja u nekoliko "Merhametovih" regionalnih odbora, ova djeca su neposredno učestvovala u podjeli obroka korisnicima narodnih kuhinja u Sarajevu, Travniku i Novom Travniku.

Sa "Merhametovim" timovima u projektu "Kućna njega" obilazili su stare, bolesne i iznemogle osobe kojima su pružali osnovne medicinske usluge, poput mjerenja tlaka i šećera u krvi, razgovarali s njima i uvjerali se koliko je taj "Merhametov" projekt human, značajan i blagotvoran.

Volonteri iz Njemačke posjetili su i "Merhametovo" poljoprivredno imanje u Kućicama nadomak Zavidovića, na kojem se, za potrebe "Merhametovih" javnih kuhinja, godišnje proizvodi oko 80 tona povrća. Mladići i djevojke, koji nisu krili oduševljenje imanjem, pomagali su u branju i sortiranju povrća, pripremajući ga za transport u "Merhametove" javne kuhinje.

Na imanju u Zavidovićima posjetili su i "Merhametovu" liniju za proizvodnju tjestenine, takođe za narodne kuhinje, gdje su se upoznali sa procesom nastanka veoma kvalitetne tjestenine.

Svoj sedmodnevni, namjenski boravak u Bosni i Hercegovini volonteri iz Njemačke su "zaokružili" posjetom sjedištu Muslimanskog dobrotvornog društva "Merhamet", gdje ih je ugostio predsjednik Kenan Vrbanjac. On im je predočio najvažnije činjenice o ovoj humanitarnoj organizaciji.

Tako su, između ostalog, saznali da je "Merhamet" jedna od najstarijih organizacija u regionu, nastala daleke 1913. godine; da čelnici "Merhameta", kao i njegovi članovi, tokom njegove historije bili najznamenitiji Bošnjaci. Saznali su i

da "Merhamet", u svojih 46 javnih kuhinja i njihovim punktovima, svakodnevno hrani oko 8.000 socijalno ugroženih građana; da "Merhamet" godinama stipendira na stotine djece iz siromašnih porodica; da u "Merhametovoj" Studentskoj kući besplatno boravi petnaestak studentkinja iz Bosne i Hercegovine i Sandžaka kojima je besplatno obezbijedena, ali i stipendije.

Mnogo toga su mladići i djevojke iz Frankfurta saznali o "Merhametu" i njegovoj humanosti, njegovoj misiji dobročinstva koja traje već 111 godina. Saznali su i o tome koliko je, tokom agresije, "Merhamet" Njemačke pomogao opstanak Bosne i Hercegovine i Bošnjaka, te koliko "Merhamet" Njemačke i danas brine o svojim siromašnim sunarodnicima u Bosni i Hercegovini.

Nakon svih ovih saznanja i njihovog sedmognog humanitarnog pohoda u zemlji svojih pradjedova, ova djeca su odlučila da svoju humanu misiju nastave u Njemačkoj, zajedno sa "Merhametom" u toj zemlji. Svoju ljubav prema folkloru, čuvanju bh. kulture i tradicije, dopunit će, kako su kazali, i brigom o svom narodu u Bosni i Hercegovini koji trebaju pomoć, u humanoj sinergiji "Merhameta" DBHKV "Sevdah - Frankfurt am Main" e. V., koji imaju veoma dobru saradnju.

Predsjednik HO "Merhamet" MDD Kenan Vrbanjac se zahvalio mladim gostima iz Njemačke što su odlučili volontirati u "Merhametu", naglašavajući da je "Merhamet" i njihova kuća. Vrbanjac je zahvalio i predsjedniku i direktorici "Merhameta" Njemačke, Amiru Čauševiću i Edini Kadirić, koji su organizirali i koordinirali dolazak mladih volontera iz Frankfurta.



Predsjednik „Merhameta“ u radnoj posjeti Belgiji

RAZGOVORI SA AMBASADOROM AVDOVIĆEM, BH. DIJASPOROM I HUMANITARNIM ORGANIZACIJAMA

Ambasador Erol Avdović se zahvalio „Merhametu“ za sve što čini za socijalno ugrožene kategorije stanovništva BiH, ali i za sve humane akcije širom svijeta, naglašavajući da je „Merhamet“ jedna od najznačajnijih humanitarnih organizacija u regionu



Kenan Vrbanjac i ambasador Erol Avdović

Predsjednik Muslimanskog dobrotvornog društva „Merhamet“ Kenan Vrbanjac, na poziv Ambasade Bosne i Hercegovine u Belgiji, boravio je u radnoj posjeti toj zemlji, gdje se susreo sa predstavnicima bh. dijaspore, udruženja Bosanaca i Hercegovaca te nekoliko džemata. Vrbanjca je primio ambasador



BiH u Belgiji i Luksemburgu Erol Avdović koji se zahvalio „Merhametu“ za sve što čini za socijalno ugrožene kategorije stanovništva BiH, ali i za sve humane akcije širom svijeta, naglašavajući da je „Merhamet“ jedna od najznačajnijih humanitarnih organizacija u regionu. Kenan Vrbanjac se zahvalio ambasadoru Avdoviću na organiziranju susreta sa bh. dijasporom te sa predstavnicima humanitarnih organizacija u toj zemlji, među kojima su „Kuća naroda Evrope“ i „Caritas“ u Belgiji.

Vrbanjac je razgovarao i sa Ademom Pobrićem, koji je kazao da je, u saradnji sa „Merhametom“ u Sarajevu, tokom agresije na Bosnu i Hercegovinu u Briselu djelovao „Merhamet“ i bio veoma ažuran u prikupljanju i dopremanju humanitarne pomoći u našu zemlju. Pobrić, koji je tada i sam bio jedan od organizatora „Merhametovih“ aktivnosti Briselu, iskazao je želju da i dalje bude na raspolaganju ovoj humanitarnoj organizaciji.

O mogućnosti saradnje, Vrbanjac je u Briselu razgovarao sa predsjednikom organizacije „Kuća naroda Evrope“ Pjetrom Emiliom, a u Liježu sa don Mirkom Skorinom, predstavnikom Katoličke crkve. Vrbanjac je prezentirao projekte na kojima bi ove organizacije mogle saradivati.

Predsjednik „Merhameta“ je tokom boravka u Briselu, posjetio i džemate u Liježu i Eupenu, kojima je predstavio rad „Merhameta“, pozivajući bh. dijasporu da se uključe u aktivnosti „Merhameta“. U razgovoru sa predstavnicima džemata i bh. udruženja, Vrbanjac je ukazao na mogućnost osnivanja „Merhameta“ u Belgiji, ali i u drugim zemljama Beneluksa.

Domaćini su zahvalili predsjedniku Vrbanjcu na posjeti, naglašavajući da su upoznati s aktivnostima „Merhameta“ i da će podržati njegov rad.



Napustio nas je još jedan veliki humanista



Latif Halaba: Dobar kolega i veliki humanista

UMRO LATIF HALABA, DUGOGODIŠNJI PREDsjedNIK "MERHAMETA" JAJCE

Dugogodišnji predsjednik Osnovnog odbora "Merhameta" Jajce Latif Halaba umro je polovinom aprila u Jajcu, u 70-oj godini.

Latif Halaba je dao veliki doprinos u radu i razvoju Osnovnog odbora "Merhameta" Jajce. Ostat će upamćen kao vrijedan član "Merhametove" porodice, dobar kolega i veliki humanista. Dženaza i ukop obavljani su na mezarju Baščeluci u Jajcu.



Napustio nas je još jedan veliki humanista



Zijad Skopljaković: Čovjek velikog srca

UMRO ZIJAD SKOPLJAKOVIĆ, JEDAN OD OSNIVAČA "MERHAMETA" NORVEŠKE

Potpredsjednik "Merhameta" Norveške Zijad Skopljaković umro je u srijedu, 27. Novembra 2024. godine. Njegova ljubav prema humanitarnom radu bila je neizmjerena. Redovno je pomagao rodni kraj i bio neumoran u dobročinstvu.

Jedan je od osnivača "Merhameta" Norveške, 2019. godine, a u posljednje dvije godine obavljao je funkciju potpredsjednika organizacije. Njegova energija i zalaganje bili su pokretačka snaga mnogih humanitarnih akcija.

Na inicijativu Zijada Skopljakovića, a uz podršku članova i prijatelja "Merhameta" Norveške, prije samo mjesec dana uspješno je realizirana akcija pomoći Narodnoj kuhinji u Kaknju. Tokom predaje sred-



stava bio je prisutan i Zijad, a tom prilikom lokalni mediji su zabilježili: "Zijad Skopljaković je Kakanjac i humanitarac koji godinama živi u Norveškoj i koji nikada nije zaboravio svoj rodni grad. Godinama unazad vrijedno pomaže gdje god i koliko god može. Svoju podršku dao je brojnim projektima, kulturi, sportu, obrazovanju, human-

izmu ali i pojedincima." "Zijad je bio čovjek velikog srca, uvijek nasmijan i spreman na šalu. Kao istinski zaljubljenik u sport, srčano je navijao za svoj voljeni FK Rudar, kao i za lokalni klub Lillestrøm. Njegov nesebični rad i plemenita djela ostat će trajna inspiracija svima nama", saopšteno je iz Upravnog odbora "Merhameta" Norveške.

Pismo studentice Lamije Spahić

HVALA “MERHAMETU” ZA BEPLATAN SMJEŠTAJ, HRANU I STIPENDIJU

Iskreno cijenim vaše gostoprimstvo i dobrotu prema meni koje sam uživala tokom godinu i po, dok sam stanovala u vašoj Studentskoj kući. Uvijek ću biti zahvalna za vaš trud da nam olakšate studiranje i pomognete nam na postanemo korisni akademski građani, kaže se u Lamijiinom pismu

Muslimansko dobrotvorno društvo “Merhamet” je mnogim studenticama iz Bosne i Hercegovine i Sandžaka obezbijedio besplatan smještaj u svojoj Studentskoj kući u Sarajevu. Uz to, “Merhamet” je tim djevojkama koje su došle da studiraju u Sarajevo obezbijedio i besplatnu hranu i značajne stipendije.

Jedna od njih je i Lamija Spahić koja je studirala na Prirodno-matematičkom fakultetu u Sarajevu i stekla diploma magistricе mikrobiologije. Nakon što je završila master studije, Lamija je uputila pismo zavalnosti “Merhametu” koje prenosimo u cjelosti:

“Poštovani,

Želim ovom prilikom da vam se zahvalim za svu potporu, podršku i pomoć koju ste mi pružili tokom mog studiranja na Prirodno-matematičkom fakultetu u Sarajevu.

Meni i mojim kolegicama se, u velikoj mjeri, olakšali naš boravak u drugom gradu, studiranje, pružili svaku brigu i pomoć da nama bude lijepo i da nam ništa ne fali. Iskreno cijenim vaše gostoprimstvo i dobrotu prema meni koje sam uživala tokom godinu i po, dok sam stanovala u vašoj Studentskoj kući.

Nosim divne uspomene i na



Lamija Spahić: Zvala za vašu dobrotu

dragocjene momente provedene sa dragim djevojkama iz raznih dijelova Bosne, ali i Sandžaka, uz dovu da svi zajedno budemo veliki ljudi i na usluzi našoj zajednici, da naše znanje bude od koristi nama, našoj porodici ali cijeloj zajednici u kojoj

živimo.

Uvijek ću biti zahvalna za vaš trud da nam olakšate studiranje i pomognete nam na postanemo korisni akademski građani.

Molim Uzvišenog da to pronađete na vagi vaših dobrih dijela.”